

# AWE Mainta

November 26, 2016

[www.awemainta.com](http://www.awemainta.com)  
[www.facebook.com/awemainta](https://www.facebook.com/awemainta)  
[noticia@awemainta.com](mailto:noticia@awemainta.com)  
 583-1400

## ANALISIS PRELIMINARIO DI HAYAZGO NA COLEGIO SAN JOSE INDICATIVO CU E **AREA DI ST. CRUZ TABATA HABITA DEN DIFERENTE FASE DI PERIODO CERAMICO**



**INVEST SECURE N.V.**  
We don't just say it... We Guarantee it!!! 582 7252

High Definition Surveillance

What's New? Scan the QR code

Visit [www.112SecurityInc.com](http://www.112SecurityInc.com)

NVRs Pg 2 IP Cameras Pg 8 DVRs Pg 19 TVS Cameras Pg 22

**buy 2, and get 1 FREE**

**Dijtham**  
We've got it!

INTERIOR AND EXTERIOR PAINT  
AVAILABLE IN 1 AND 5 GALLON

This Dijtham Offer is valid till December 31, 2016

DijthamAruba - [www.dijtham.com](http://www.dijtham.com) - Schotlandstraat 67 - Tel. 588 9526



Parlamentario Chris Dammers:

# Un finansa publico sostenibel pa pais Aruba

“DESDE 3 di november 2016, Parlamento di Aruba a haya e Jaarrekening Land Aruba 2015 hunto cu e Rapport Onderzoek Jaarrekening Land Aruba 2015. Introduccion di un “Fiscal Rule” pa pais Aruba banda di e “balance budget akkoord” a yega na november 2013 sigur ta algo necesario”, segun Parlamentario Chris Dammers.

“Na Europa, ta wordo uza un “Fiscal Rule” di un “financieringstekort” di menos cu 3% di e GDP. Banda di blafon di gastonan mara na 1,350 miyon di florin pa 4 aña nan venidero na 2013 a introduci normanan na kico e deficit di pais Aruba por ta pa e siguiente añanan tambe den e LV tijdelijk College Aruba Financieel Toezicht den acuerdo cu Hulanda.

*E porcentahe di e deficitnan stipula den e ley aki lo mester ta -3.7% pa 2015, -2% pa 2016, -1.5% pa 2017 y 0.5% pa 2018 compara di e GDP di pais Aruba.*

Nos por a tende oposicion total ta papia un y mas biaha – cada uno di e 7 añanan cu a transcuri di un presupuesto irealistico, pero cifranan actual di Controlaria General ta muestra cu tur aña – un tras di otro – cu e presupuestonan prepara y ehecuta pa Gabinetenan Mike Eman I y II ta “on the dot” caminda cu Gobierno a cana e blue print prepara manera mester ta”, Parlamentario Dammers a splica.

“Pa locual ta aña 2015 den e jaarrekening 2015 nos por mira riba pagina 6 cu esaki ta 96.8 miyon cu ta cuadra cu 1.9% di e GDP pronostica di 5.012 miyon na momento cu e presupuesto a wordo traha. Si tuma na cuenta e GDP cu a wordo ahusta pa Banco Central despues – esta 4.835 miyon e deficit ta bira 2.0% di e GDP nobo cumpliendo cu normanan pa pais Aruba pa aña 2015, esta den 3.7%”, e Parlamentario a muestra.

“Un finansa publico sostenibel lo tabata solamente posibel pa logra – manera stipula den e rapport di Banco Central di 13 di juli 2013 si cualkier Gobierno cumpli cu e siguiente puntonan:  
Calidad di recuperacion den e sector

turistico;

Posicion financiero debil di Gobierno;

Dilemanan rond di e fondo di pensioen pa ambtenaar y fondo di pensioen general di biehes;


E gastonan di personal relativamente halto; AZV, caminda cu Gobierno mester hinca sumanan grandi anualmente aden di ariba di 100 miyon;

Logra habri y tene e refinaderia cu lo mester opera na un manera stabiel.

Tur esakinan Gabinete nan Mike I y II a logra takel I pa I cu awe nos por papia bek cu, wantando sla nan di mas grandi den e situacion financiero di pais Aruba, Gabinete Mike Eman I y II a a sabi di maneha tur e reto nan menciona, creando tur e espacio pa tene e poder di compra ariba un nivel aceptabel pa nos hende, minimalisando tur e problemanan social cu nos a bin haya final di 2009”, Parlamentario Dammers a duna di conoce.

“A bay inverti den economia di pais Aruba cu diferente proyecto, minimalisa e problemanan social bahando nos desempleo di riba di 10% na final di aña 2009 pa alrededor di 7% te cu na final di aña 2015.

Asina tambe den su totalidad Gobiernonan Mike Eman I y II, manera CBA a relata na 2010, a cumpli cu tur e deficiencianan di pais Aruba cu tabata haci gobernacion aki na Aruba dificil caminda cu nos por papia di un Aruba cu un situacion financiero stabiel”, Parlamentario Chris Dammers a conclui.







## ANALISIS PRELIMINARIO DI HAYAZGO NA COLEGIO SAN JOSE INDICATIVO CU E AREA DI ST. CRUZ TABATA HABITA DEN DIFERENTE FASE DI PERIODO CERAMICO

**ANALISIS** preliminar di hayazgonan di un sitio arqueologico na St. Cruz ta duna indicacion cu e area di St. Cruz tabata ser habita den diferente fasenan den e Periodo Ceramico.

Alavez, caracteristiconan di un deramento specifico di un mucha ta indicativo pa ritualnan funebre specifico haci den e fase mas trempan di e Periodo Ceramico.

Tabata riba un Diabierna den luna di september aña pasa cu e Departamento Cientifico di Museo Arqueologico Nacional Aruba (NAMA) a haya un yamada di e sr. Karel Orman di Departamento di Trabounan Publico (DOW) cu a haya locual tabata parce restonan di skelet.

E restonan aki a ser haya durante trabounan di construccion na St. Cruz na e caminda cu ta bay na e scolnan basico di Colegio San Jose, Maria School y e misa di Imaculada Concepcion na St. Cruz.

Arkeologo y asistente di arqueologonan a investiga y den e area cu a coba, cu tabata midi 3 meter hanchu y 18 meter largo, a haya un total di 7 rastro, cual tabata inclui uno di deramento y 6 marca di staka.

E relacion entre e deramento y e marca di stakanan no tabata mucho cla, excepto pa un cu tabata ubica net riba y hasta tabata pasa dor di e deramento.

Di esaki por conduci cu ora cu a coba pa pone e stakanan, probablemente no tabata conoci cu tabata tin un deramento na e ubicacion aki. Esaki ta un indicacion cu e deramento probablemente tabata di un otro fase, mas trempan, den e Periodo Ceramico di e area specifico aki.

Loke tambe ta hopi interesante ta cu e restonan humano tabata cubri pa dos potchi cu tabata poni boca abou y di cual un tabata cubri e craneo y e otro e parti di e heup y pia.

Un di nan tabata un 'aripo' basta grandi cu tabata poni riba e area di ribchi y bou di esaki a haya weso di pisca y material di cocolishi. Den e area di e pia ta unda a haya un marca di staka relativamente grandi, cual tabata contene resto di sas. Investigacion preliminar di e caracteristiconan di djente di e individuo ta categorisa e persona como un mucha di entre 6 pa 10 aña di edad.

E hayazagonan aki ta indica continuacion den habitacion di e area di St. Cruz den diferente fase den e Periodo Ceramico.

E caracteristiconan di e deramento por ta indicativo di e status social di e mucha y di ritualnan funebre specifico cu a ser haci durante e fase trempan (mas o menos 800-1100 Despues di Cristo) di e Periodo Ceramico.

## Registra awo!

Manda bo e-mail na [noticia@awemainta.com](mailto:noticia@awemainta.com)

## Ricibi AWEMainta tur dia den bo inbox



[www.awemainta.com](http://www.awemainta.com)



[www.facebook.com/awemainta](https://www.facebook.com/awemainta)



583-1400



583-1444



# Colombia ta firma acuerdo nobo di paz cu FARC



**BOGOTA** – E Gobierno Colombiano a firma e acuerdo nobo di paz cu grupo FARC un luna despues cu e prome acuerdo a wordo rechasa pa voto nacional.

E firmamento, cu a tuma luga na e capital di Colombia, esta Bogota, lo termina e conflict mas largo di Latino America, cu a mira mas di 260,000 morto y miyones afecta.

Durante e firmament, Presidente Colombiano Juan Manuel Santos a bisa: “Den 150 dia, tur arma di FARC lo ta den man di e Nacionnan Uni, y e organisacion arma lo desaparece.” E caminda pa paz tabata uno dificil pa Colombia. Despues di añanan di negociacionnan den Cuba su capital, Havana, e acuerdo original – algo cu hopi no a pensa cu lo sosode nunca – a wordo rechasa den e referendum.

Di acuerdo cu Presidente Santos, e acuerdo nobo ta indica 80% di “No Voter’s Concerns”, incluyendo e. o. e proteccion di balornan familiar, garantia hudicial pa oficialnan military di rango halto y fondo disminui pa participacion politico di FARC.

Comandante actual di FARC Rodrigo Londoño, conoci como Timochenko, a aplaudi e miles di Colombianonan cu a protesta e resultado di october y a dedica e acuerdo final na nan.

“Nos admiracion ta bay pa e miles di Colombianonan cu a subi caya. E acuerdo final aki ta pa boso, pasobra boso a yuda trah’e cu boso accionnan.”

Apesar di modificacionnan haci na e acuerdo original, e acuerdo lo sigui confronta resistencia di e espectro politico di Colombia.

Ex Presidente Alvaro Uribe a rechasa e acuerdo, indicando cu casi nada a wordo cambia di e acuerdo anterior. Uribe a acusa e Gobierno di no atende cu asuntonan fundamental pa democracia y a pidi pa e “no voters” resisti e decision na e pais.

Uribe a bisa: “E Gobierno a scoge un decision cu ta dividi Colombianonan, en bes di yega na un acuerdo nacional. Nos lo sigui busca e forma pa ciudadanonan participa pa defende e puntonan cu e Gobierno no kier acepta.”

En conexion cu renovacion di ICT

## Censo ta cera tempralmente



PA sigui eleva rapidez, eficiencia y calidad di nos servicio na nos clientela, lo tuma lugar un renobacion completo di e sistema di tecnologia di informacion y comunicacion (ICT) di Censo. Esaki ta inclui e. o. instalacion di servernan nobo, computers, cahanan na tur bali, training pa personal y mucho mas.

En conexion cu esaki Censo lo ta cera dianan: 1, 2, 5 y 6 di december 2016. Censo lo habri bek dia 7 di december 2016.

Pa cliente cu a haci afspraak (online) pa paspoort of cedula riba nos website

[www.censo.aw](http://www.censo.aw) y e dia di afspraak ta cay rib’e dianan ariba menciona, por favor sea asina amabel di re-schedule bo afspraak.

Esaki por wordo haci facilmente via e mail cu e cliente a ricibi for di Censo pa cu confirmacion di e afspraak.

Si tin algun inconveniencia por pasa prome cu dia 30 di november 2016 of despues di 7 do december 2016, p’asina nos por yudabo. Matrimonio den Stadhuis ta bay segun schedule normal.

Nos ta pidi nos mas sincero disculpa pa e inconveniencia.



Parlamentario mr. Xiomara Maduro:

## Minister Eman a destrui nos pais riba diferente frontera (Parti 2)

“DURANTE tratamiento di Presupuesto 2017, nos a dedica tempo na ilustra kico te awor aki ta e saldo di e mal maneho di Minister Eman y su bende. Aruba na man di Gabinete Eman ya no ta mescos mas. Minister Eman a destrui nos pais riba diferente frontera.

Nos autonomia, nos florin, nos naturalesa, nos identidad y nos tranquilidad, tur a wordo destrui na man di Eman y den un serie di 4 articulo nos lo amplia rib’e destruccion haci.

Den e articulo aki nos ta amplia riba e destruccion di nos identidad.” Asina Parlamentario mr. Xiomara Maduro ta cuminsa su relato.

### A destrui nos identidad

“Minister Eman den 7 aña no a move un dede pa “nation building” na nos pais.

Al contrario. Minister Eman a dividi nos pais poniendo hende contra otro y nacion contra nacion. El a hiba un campaña sushi contra MEP bou di stranhero na nos pais.

El a laga coordinador di Minister Sevinger bay radio pa bagatalisa y chercha di nos leynan di estranheria. El a laga hopi hende drenta nos pais y keda ilegal pa abusa di nos sistema.

Minister Eman no a brinda respet na nos idioma y no a defende of percura pa integr’e cerca esnan cu ta bin biba nobo na nos pais”, segun Parlamentario Maduro.

“Banda di esaki, Minister Eman a laga nos cultura bay perdi, sin dedica atencion na p. e. nos Fiesta di San Juan y Dia di Betico den enseñansa manera mester ta. Pero Eman a percura pa bin cu un buki cu un historia falso di nos Status Aparte.

A bay asina leu di purba kibra e memoria di nos Libertador Betico Croes, kende a siña nos cu nos tin balor como hende, como pais y cu hunto, uni, nos por logra hopi.

Minister Eman a traha duro pa purba destrui e legado aki. A stop di uza Plaza Betico Croes pa actonan protocolario. A cera Caya Betico Croes, lag’e sangra economicamente y yam’e pa Caya Grandi of “Mainstreet”.

Y awor ta bay uza Centro Deportivo Libertador Betico Croes como shelter pa supuesto refugiado. Tur esaki djis pa liga Betico Croes su nomber na cosnan negativo, cu e meta pa dividi y esclavisa nos pueblo na man di debe y pobreza”, e Parlamentario a musta.

### Pueblo mester rechasa e destruccion aki

“Esaki ta nos pais su realidad na man di Eman. Nos

no por sigui asina. Pueblo mester rechasa e destruccion cu Minister Eman y su bende a haci na nos pais. No cay pa promesa falso, e realidad di su destruccion na nos pais ta bisto y e ta den nos man pa para e destruccion aki di nos dushi Aruba”, ta locual Parlamentario mr. Xiomara Maduro a declara.



**HURRY!**

**FRESH DEALS!**

**LING & SONS**

IGA

Super Center

<p><b>2 FOR 4.49</b> awg</p> <p>Reg. Price: 5.58 awg</p>	<p><b>NOW 9.99</b> awg</p> <p>Reg. Price: 11.95 awg</p>	<p><b>NEW IN STORE AT OUR COFFEE CORNER</b></p> <p><b>FOR ONLY 9.95</b> awg</p> <p>BREAKFAST COMBO Includes pistolet ham&amp;cheese, croissant, boiled egg, jam, butter, cookie, banana, orange juice, coffee or thee</p>
<p><b>NOW 1.29</b> awg</p> <p>Reg. Price: 1.62 awg</p>	<p><b>2 FOR 3</b> awg</p> <p>Reg. Price: 5 awg</p>	<p><b>NOW 23.79</b> awg</p> <p>Reg. Price: 28.79 awg</p>

**Black Friday Specials**

Valid only this Friday November 25th Limited Offer Check them out now!

<p><b>50% OFF</b></p> <p><b>NOW 3.25</b> awg</p> <p>Reg. Price: 6.49 awg</p>	<p><b>NOW 6.99</b> awg</p> <p>Reg. Price: 9.85 awg</p>	<p><b>NOW 62.99</b> awg</p> <p>Reg. Price: 65.49 awg</p>
--	--	--

Starting Friday November 25 till November 27, 2016 or while supplies last. Limited Offer Check them out now!

www.lingandsons.com

lingandsons

lingandsons

lingandsons

WIFI

**THE #1 SUPERMARKET IN ARUBA**



Parlamentario sra. Lorna C. Jansen-Varlack:

# Tratamento presupuesto a toca diferente area manera aspecto financiero, aspecto di maneho y aspecto di reflexion

“**PARLAMENTO** a caba di trata presupuesto 2017 di pais y el a wordo aproba cu 12 voto pro y 8 voto en contra. Mi mester bisa acerca cu e esaki ta e ultimo presupuesto cu lo wordo trata pa e periodo aki 2013 – 2017.

Prome cu e tratamento di un ley, den e caso aki e ley di presupuesto di e ministerionan di pais, cada fraccion tin e oportunidad pa haci pregunta por escrito”, Parlamentario Lorna Varlack a splica.

“Esaki ta e di ocho presupuesto cu Parlamento ta trata y nos a ripara un strategia di MEP pa loke ta toca e preguntanan por escrito cu durante tur e añanan.

Fraccion di MEP ta traha hopi pregunta riba un nivel hopi infantil pa despues bisa cu nan a entrega casi 700 pregunta.

E aña aki no tabata nada diferente y un di e preguntanan ridiculo di MEP, cu un colega a trece dilanti tabata: “**Waarom moet ik de rekentoets maken? (Pregunta 572)**”.

Asina por menciona hopi mas pa loke ta toca e Ministerio di Enseñansa. Esaki ta pa muestra riba cua nivel oposicion di MEP ta traha”, Parlamentario Varlack a muestra.

E Parlamentario di AVP a continua bisando: “Durante di e tratamento di un presupuesto un Parlamentario ta scoge si e ta bay debati riba aspecto financiero, maneho of si e ta bay haci un reflexion. Mi persona a scoge pa bay rib’e aspecto di maneho y di reflexion. A trece dilanti cu ehempel e diferencia entre e gobernacion di MEP di 2001 pa 2009 y e gobernacion di AVP di 2009 – te awor.

M’a muestra cu de bes en cuando como politico bo mester bay bek den pasado y e motibonan pakico bo mester

haci esaki:

1. Pa hende corda y wak e diferencia.
2. Pa siña di e erornan cu otro Gobiernonan a haci.
3. Pa mehora decisionnan haci den pasado.
4. Pa analisa y evalua bo propio maneho y keda critico.
5. Y finalmente pa haci miho cu otronan a haci.”

“Tin diferente Parlamentario cu no tabata kier pa fraccion di AVP papia di e pasado y hasta a wordo bisa cu nos ta pega den pasado. E pasado ta bo historia y e ta duna bo informacion di loke a pasa. Pa cu e motibo aki mi persona a bisa cu e ora ey oposicion di MEP mester a bin cu e pregunta tambe: “**Waarom moet ik geschiedenis leren**”. Ta parce cu e tema di historia no ta importante pa oposicion di MEP solamente ora e ta toca historia cu MEP tabata involvi den dj’e. Mi ta splica esaki pa hende ta na altura den cua contexto e pregunta aki a bin dilanti”, e Parlamentario a duna di conoce.

“Siguiendo riba mi puntonan di debate, mi por bisa cu m’a pone hopi enfasis rib’e balornan / aspectonan cu Gobierno y comunidad mester carga hunto y esakinan ta: **Responsabilidad, Informacion, Conscientisacion, Educacion y Prevencion.**

E puntonan aki tabata cardinal den tur mi debatenan pa tur ministerio. E ta depende di cada Parlamentario kico e ta haya importante pa cu un bon gobernacion di su pais”, ta locual Parlamentario Lorna Varlack a enfatisa den su conclusion.





Parlamentario mr. Juan “Ady” Thijsen (MEP):

## Caso di Señor Frogs ta muestra cu e base pa nos recuperacion economico mester ta nos propio comerciantenan y inversionistanan

**ARUBA** henter por a tuma nota cu mester a baha representante di un compania for di avion pa rescata derecho di pais Aruba y tambe derecho di trahadornan. Segun Parlamentario mr. Juan “Ady” Thijsen, esaki ta ilustra e peliger ora doñonan di empresa ta companianan di afo. Den un economia habri manera di Aruba ta sucede cu inversionistanan di afo ta haya interes den nos pais y ta inverti tambe pa gana placa. E acento akinan ta riba gana placa.

Claro tin excepcion y sa tin companianan di bon intencion, pa cual nos ta gradici nan y semper nan ta welcome, pero companianan di afo mayoria di bes no ta interesa den e desaroyo di un pais sino e progreso di nan negoshi. Tampoco e companianan aki ta interesa den consecucionan pa trahadornan. Señor Frogs no ta e prome cu ta dal porta

cera di un dia pa otro y ta lanta vuelo y esaki sa sucede mas biaha.

Pa es motibo aki, segun Parlamentario Thijsen, den e siguiente etapa di desaroyo y recuperacion di nos economia mester bay percura pa stimula pa nos mesun hende bay den negoshi. Pa esaki mester bin cambionan grandi den maneho economico y fiscal.

Actualmente nos sistema financiero economico ta spanta nos mesun hendenan pa inverti. Aruba ta un di e paisnan cu peso fiscal mas halto den mundo. Un empresa ta paga winstbelasting, despues ora di parti e ganashi nan e accionista ta paga dividendbelasting. Y ainda na final e accionista ta bolbe paga inkomstenbelasting. Tambe ta asina cu hobenan cu kier bai den

negoshi no ta haya ayuda financiero pa cuminsa un negoshi.

Actualmente ni Banco di Inversion ni banconan local ta cubri suficientemente e empresanan cu kier cuminsa. Banconan no ta tuma riesgonan cu comerciantenan principiante ni proyectonan nobo. Banconan ta bay pa cos sigur 100%. Djis wak e lista di exigencianan di banconan ora di inverti den proyectonan of empresanan nobo.

Pa es motibo aki Parlamentario Thijsen ta kere den re-introduccion di un banco di desaroyo cu si por duna apoyo na empresanan nobo y existente di grandura chikito y mediano. Ademá mester duna guia tanto administrativo y fiscal pa e companianan aki worde maneho sanamente.

Segun Parlamentario Thijsen, trabao y manera tin pa yuda nos economia y nos comercio y nos hobenan cu kier lanta negoshi. Solamente falta e mandato di pueblo pa cu esaki. Aruba merece miho y empresa chikito y mediano merece miho.

**Aña escolar 2016 - 2017 ta cuminsa dia 9 januari 2017**  
**Scol anochi di ofishi, mas cu 60 aña**

**Bishita nos website: [www.oaa.aw](http://www.oaa.aw)**  
**Tel: 5827324**



	Opleidingen	Duur	Minimaal toelatingseisen
1	Assistent in de Bouw, Niveau 1, (carpinteria basico) Uitstroomprofiel: Basis timmeren Uitstroomprofiel: Basis metselen	2 jaar	EPB of SPO diploma Aspirant Minimaal basisschool doorlopen
2	Assistent Onderhoudsmonteur, Niveau 1	2 jaar	EPB of SPO diploma Aspirant Minimaal basisschool doorlopen
3	Assistent Mode en Kleding, Niveau 1 Uitstroomprofiel: Costumière (cosedor) Uitstroomprofiel: Mode verkoper	1-2 jaar	EPB of SPO diploma Aspirant Minimaal basisschool doorlopen
4	Assistent Automonteur, Niveau 1		EPB of SPO diploma Aspirant Minimaal basisschool doorlopen
5	Modemaker, Niveau 2 Uitstroomprofiel: Coupeuse (cosedor avansa) Uitstroomprofiel: Mode verkoper en ontwerpen (Fashion design)	2 jaar	Diploma Costumière
6	Timmerman, Niveau 2, (carpinteria avansa)	2-3 jaar	Diploma Basis timmeren /LTS of EPB diploma arbeidsmarkt timmeren
7	Lasser, Niveau 2 (Welder A y B)	1-2 jaar	EPB diploma arbeidsmarkt

Pa inscribi pa un di nos opleidingen pasa prome na banco RBC. Number ta 44.67.892 pa paga e schoolgeld. Schoolgeld ta fl. 200,- pa aña escolar. Pasa na nos oficina cu e prueba di banco, un papel di censo di 5 florin, un pasfoto y diploma.

**Ultimo dia nan pa inscribi ta dia 29, 30 di november y 1 di december 2016.**

Nos oficina ta na EPB - Hato. Tel. 5827324 y ta harbri di 9.00 am - 3.00 pm y 6.30 pm – 9.30 pm. Edad minimo pa inscribi ta 16 aña



Mientras cu a bolbe combersa cu habitantenan di Palm Beach

# Ministernan Eman y Sevinger a conclui cu Palm Beach mester un miho infraestructura

E. o. haci e canalnan mas hanchu pa e fluho di awa bay mas rapido



**PROME** Minister Mike Eman, hunto cu Minister di Infraestructura Benny Sevinger y e team di ayudo a bolbe bishita Palm Beach. Durante 3 ora largo Eman a combersa cu habitantenan di mas o menos 10 cas cu a wordo afecta pa e yobida pisa di diadomingo ultimo.

Mientras trahado di diferente instancia tabata yuda cu limpieza, a combersa cu e habitantenan riba nan necesidadnan.

“Cu un miho infraestructura na Palm Beach, nos por resolve parti di e problema cu nos

a mira”, e mandatario a bisa na final di e bishita unda cu a inspecciona tambe e areanan cu e awa mester core.

Eman a wordo compaña pa trahadonan di DOW, SERLIMAR, Bureau Rampenbestrijding, Departamento di Asuntonan Social y Cruz Cora pa yuda haci den e bario limpi, yuda unda cu ta necesario na e casnan afecta y traha lista di inventario cu a bay perdi na cas di famianan di menos recurso.

Despues di a papia cu e habitantenan, a evalua e situacion di e rooi y fluho di e awa cu ta baha di e parti ariba di Aruba. A conclui cu definitivamente mester haci un mehoracion grandi na Palm Beach cu ta haci cu e awa ta bay hopi mas lihe di loke a sosode awo.

“Si tin un miho infraestructura na Palm Beach por resolve parti di e problema cu nos a mira aki. Tambe nos ta bay cuminsa traha rib’e posibilidad pa den futuro tin mas caminda cu ta capta e awa di yobida, pa e barionan mas abou no wordo afecta asina hopi dor di e awa cu ta core bin abou”, Prome Minister Mike Eman a bisa habitantenan di Palm Beach, afecta pa e yobida fuerte - 70 mm den 4

ora - di diadomingo ultimo.

E sucedido di diadomingo ultimo, Prome Minister Eman y Minister Sevinger a bisa, tabata un experiencia grandi. Normalmente ta consciente ora cu un mal tempo ta na caminda y por prepara pa esaki. Sin embargo, e tempo di diadomingo a bini di sorpresa y niun hende por a haci e preparacionnan necesario. P’ese y daño tabata mas grandi cu normal, aunke cu el a wordo conteni na cierto cantidad di casnan cu por a haya ayudo mas lihe.

“Nos ta spera cu e recaudacion di fondo di Cruz Cora lo ta exitoso pa hunto cu Departamento di Asuntonan Social brinda e ayudo necesario na e habitantenan. Nos ta haci apelacion na sector priva pa tambe haci donacion pa yuda e famianan afecta”, e mandatario a duna di conoce.

E mandatarionan hunto cu funcionarionan di DOW a scucha e habitantenan y exper-tonan con e infraestructura na Palm Beach por wordo mehora.

“Nos a constata cu cierto caminda tin rooinan hanchu pa yega na canalnan smal cu ta stroba e awa di core. Si habri e canal y pone tuberia mas grandi, ta crea un miho salida pa e awa”, ta loke Prome Minister Eman y su colega Minister Benny Sevinger a conclui despues di e bishita na Palm Beach.

## DRAGON

### CD & ELECTRONICS

Mainstreet San Nicolas Tel. 584-3999  
open 9.00 - 13.00 and 14.30 - 18.30

### Dragon specials



Samsung note edge



blu sport 4.5  
afl. 210,00



Samsung s3 mini  
afl. 315,00

Also; Samsung S5, s5 mini, Samsung S4, Samsung 4 mini, S3 mini etc.,...  
Accessories for all Samsung and Iphone models

Toshiba Laptop 15.6" 4Gb 320Gb Harddisk. Afl. 900,00  
Hp Ink cartridges, Universal laptop adapters etc.,  
iTunes gift cards \$ 10.00, \$ 15.00 and \$25.00,  
Google play cards and Playstation Network cards.

Sales, repair and accessories for all Samsung models and other cellualars.  
Unlock, reload, reset, upgrade, replace lcd, keypad, speaker etc.,...



# The Power of Partnership

## with CIBC FirstCaribbean Corporate Banking



When you partner with CIBC FirstCaribbean's Corporate Banking team, you benefit from a one-on-one relationship with trusted, experienced, financial experts. Our team provides leading-edge advice, and takes pride in creating innovative financing solutions that will help your business to succeed.

At CIBC FirstCaribbean, our track record speaks for itself. As one of the largest regional banks, with strong international linkages and our unique understanding of the Caribbean, we have helped our clients to achieve over US\$500 million in financing in the last year.

Our relationship management team can offer you the same commitment to grow your business. Let's talk today.

**For more information, contact Carlos Lopez at: (297) 522 5620.**

The CIBC Logo is a trademark of Canadian Imperial Bank of Commerce, used by FirstCaribbean International Bank under license.



**FirstCaribbean**  
International Bank





Mireille Sint Jago di partido MEP:

## Betico Croes tambe tabata un Toastmaster!

**AMI** tabatin 18 aña ora mi a scucha mi mama conta un storia di un schaaktoernooi cu el a participa na dj'e. Nos tabatin bishita na cas y mi mama, Beulah Philips (d.f.m.) a conta con el a wordo trata durante e torneo.

Cu e por a participa tabata algo unico, pasobra e tabata e unico hende muhe e tempo ey cu a inscribi pa participa. Mi mama a conta 'in geuren en kleuren', con e cierto hende homber no tabata gusta pa nan hunga contra un hende muher.

El a splica con cierto hende homber tabata supla huma di nan cigeria den su cara pa stroba su concentracion. Hopi onsportief. Na dado momento el bisa cu tabatin un meneer di scol cu si a trat'el e bon. Su number tabata Betico Croes.

Betico si a dun'el e un man na un manera masha respetoso, despues cu el a perde un wega contra mi mama. Mi mama no a gana e torneo, pero awe...e storia aki ta pone mi corda riba un dicho di e defunto poeta Maya Angelou; su dicho ta: "Hende por lubida kico bo a bisa, nan por lubida kico bo a haci, pero nan no ta lubida con bo a laga nan sinti." Mi mama nunca a lubida con Betico a trat'el e y ami no a lubida tampoco.

Betico Croes tabata un Toastmaster. Esey ta locual mi a haya sa ora ami mes a bira miembro di un Toastmasters Club. Awor aki tin 4 Club na Aruba, cual ta tiki.

Na Corsou tin 18 club activo y na Boneiro tambe tin 2 club. Na november 2016 nos kier lanta e di 5 club na Sta. Cruz, e Club aki lo yama: Gilberto Francois Croes Toastmasters Club.

E no ta un club politico, e ta un club social. E mesun balornan cu

Betico tabata eherce mi ta sinti den tur e Toastmaster Clubs: Nan ta trata bo bon.

E aña aki ta 30 aña despues cu Betico Croes a fayece. Nos ta haya como cu e mes tabata un Toastmaster cu e merece un Club cu ta wordo lanta den su number. E prome 20 hende cu ta bira miembro di e club aki, ta bira founding member y nan ta hasta haya un certificado di Toastmasters International y asina nan ta skirbi historia. Si nos haya mas cu 20 miembro e lo ta hopi mas gezellig.

Pero kico ta un Toastmaster? For di e number nos por saca afo cu e ta un persona cu ta domina algo super bon. Un master. Si, un Toastmaster ta un hende cu ta domina public speaking. E ta un super bon comunicador. Esnan cu ta bira miembro di un Toastmasters Club lo ta hende cu kier hisa nan nivel di comunicacion, public speaking na un nivel mas halto. Tambe nan ta desea di siña con pa dirigi un reunion na un manera profesional y efectivo. Tur e "softskills" aki ta importante pa nos futuro lidernan.

Pa bira miembro di Toastmasters bo mester tin 18 aña bay ariba. E miembro mas jong cu a inscribi tin 20+ aña y esun di edad mas halto ta mas cu 50 aña mas grandi cu n'e, pues un grupo hopi diversifica.

Nos ta invita pueblo henter pa haci e Toastmasters Club aki esun mas grandi y leuk cu tur!

Diasabra 26 di november nos lo haya sa ken tur a registra pa bira e fundadornan di e prestigioso Betico Croes Toastmasters Club. Cu Betico tabata un Toastmaster, nos a haya confirma dia varios hende cu tambe a participa ta Toastmasters Meetings e tempo ey. Cu e club nobo, nos kier conmemora e di 30 aña di su morto na un manera cu ta mehora bida di hende. Un regalo di algun cuidano, fundadornan di Gilberto Francois Toastmasters Club pa pueblo henter, pa generacionnan largo. Den e Gilberto F. Toastmasters Club, nos tambe lo percura pa ningun miembro ni invitado lubida con el a wordo trata.

# RIJLES



SPECIAL Afl. **297,00**



5943263 / 5826732  
hermusrijnschoolnv.com



**HERMUS**  
**Rijschool NV.**  
SIVIDI 1-C O'stad



Awe partido MEP ta recorda e di 30 aña di fayecimento di su lider y fundador

# Betico Croes: Arkitecto, constructor y realizador di nos Status Aparte!



**AWE** nos di MEP ta recorda cu 30 aña pasa nos lider fundador y libertador di Aruba, Betico Croes a bay laga nos.

No tin palabra pa describi e tristesa cu henter comunidad a pasa aden ora cu dia 26 di november 1986 e noticia lamentabel a yega for di Hulanda cu Betico Croes a fayece y esaki despues cu el a pasa casi 11 luna den coma.

No tin suficiente espacio den e medio aki pa repasa henter e trayectoria impresionante di Betico Croes, ya cu e lucha cu el a hiba no a keda na Aruba so, pero a cruza fronteranan di nos pais.

Un lucha tenaz cu a ser hiba a base di sanger, sodor y lagrima.

## Betico a uni e pueblo Arubano

Tabata na aña 1971 cu Betico Croes a haya e inspiracion pa lanta su propio partido politico, esta Movimiento Electoral di Pueblo (MEP) cu e meta principal pa trece cambianan den e estructura estatal y tambe pa trece un reparticion husto den e desaroyo economico.

Betico tabata sa cu pa logra cualkier meta den bida mester elimina primeramente e segregacion existente den nos pais y trece union den e pueblo Arubano, caminda no tin distincion mas di raza, distrito, religion,

status financiero of color politico.

Den e proceso pa uni e pueblo Arubano Betico tabata e motor tras di henter e lucha pa duna Aruba su propio himno, bandera, ortografia, simbolonan di union, libertad y identidad di e pueblo Arubano. Semper Betico a bisa cu e ta hopi orguyoso di ta yiu di e pueblo aki.

## Momentonan historico

E momento di mas crucial den e lucha pa realisa e deseo di un Status Aparte pa Aruba tabata durante e accionnan di augustus scur na 1977.

Nos Libertador Betico Croes a lidera e accionnan y ta danki na su insistencia, curashi y determinacion Hulanda por fin a scucha kico realmente ta biba bao di e pueblo Arubano.

Otro momentonan historico tabata e Referendum di 25 di maart 1977 y e Conferencia di Mesa Rondo na maart di 1983.

Y finalmente entrante prome di januari 1986 nos a conoce nos Status Aparte. Aruba a bira un pais autonomo den Reino Hulandes cu su propio Constitucion, Gobierno, Parlamento, Banco Central, Gobernador, Procurador General etc.

Esakinan ta e logronan historico cu a haci cu Betico a haya e titulo indiscutibel di Arkitecto, Constructor y Realizador di nos Status Aparte.

Lamentablemente, Betico Croes no por a mira ni un seconde di su logro cu tanto el a lucha p'e ya cu algun ora prome cu cambio di aña y na entrada di Status Aparte el a accidenta, a bay den coma y esaki a dura te na su fayecimento dia 26 di november 1986.

## Conservacion di nos libertad

Awe rib'e fecha di su di 30 aña di su fayecimento, partido MEP ta recorda e ilustre Arubano Betico Croes y den su memoria lo sigui traha incansablemente pa e futuro, felicidad, prosperidad y mas cu tur e conservacion di libertad di e pueblo Arubano y cual libertad lamentablemente a ser minador di entrega di nos autonomia financiero na man di esnan cu nunca a lucha pa nos Status Aparte.

Riba e dia di awe partido MEP ta invita bo pa conmemora hunto cu nos e fecha di 30 aña di fayecimento di nos Libertador, diasabra, 26 di november 2016 caminda pa 6'or di atardi lo tin ponemento di krans na Santana na Santa Cruz y 7'or di anochi tin un Santo Sacrificio di Misa na Misa na Santa Cruz.

Betico, danki pa tur locual bo a haci den apenas 15 aña di lucha y sacrificio pa logra nos Status Aparte tan anhela y duna nos nos honor y dignidad bek.



## Fraccion di MEP a reuni cu directiva di Fundacion Hende Muhe Den Dificultad

# Nos mester uni pa **combati violencia** contra hende muhe y mucha muhe

### Parlamento tambe por yuda!

**LIDER** di MEP, Evelyn Wever-Croes y Parlamentario di MEP Guillfred Besaril a reuni cu directiva di Fundacion Hende Muhe den Dificultad, Suzy Kock y Magaly Maduro den cuadro di e fecha anual cu ta observa violencia contra hende muhe y mucha muhe.



“Violencia domestico, especialmente violencia contra hende muhe, ta algo cu ta afecta e nucleo familiar na e peor forma. Mi kier wak cu nos comunidad ta uni pa kibra e taboe aki, y pa pone un paro na e violencia aki contra hende muhe y mucha muhe.

P’esey nos a reuni cu Fundacion Hende Muhe den Dificultad, pa nos wordo informa di e ultimo desaroyonan rib’e tereno aki. Ami ta reuni tur aña cu Fundacion pa keda na altura di tur nan trabounan. Mi ta contento cu nos por a haya e reunion aki, y awor nos como Parlamentario ta miho informa kico nos mester haci di nos banda pa combati violencia domestico”, segun lider di MEP, Evelyn Wever-Croes.



**Violencia mester wordo atendi como un problema di e famia**

“Sin embargo, nos ta gaña nos mes si nos considera violencia contra hende muhe como un problema di hende muhe so. Pasobra den e gran mayoria di cada caso di violencia contra hende muher, tin un hende homber involucra.



P’esey ami ta boga pa nos atende e problema di violencia contra hende muhe como un problema di famia. Mientras nos pais a desaroya rib’e tereno material y den infraestructura, nos a negligisha e aspectonan imaterial. Como pais nos a negligisha e nucleo familiar”, Wever-Croes a splica.

“Mi ta urgi tur mandatario y esnan cu por haci un diferencia, pa enfoca rib’e NUCLEO FAMILIAR. Si nos duna mas atencion na e famianan cu mester di sosten, y nos concentra mas riba fortifica nos nucleo familiar, nos por cuminsa atende e problemanan di violencia contra hende muhe y contra violencia domestico mas efectivamente.

Mi ta urgi pa tur mandatario y esnan cu por haci un diferencia basa tur accion riba RESPET. Pasobra ta solamente dor di e duna e ehempel di trata otro cu RESPET nos ta duna e señal fuerte na nos comunidad cu tur hende mester trata otro cu RESPET”, Wever Croes a duna di conoce.

“Por cierto, den esaki Parlamento di Aruba a faya, pasobra e sala di e organo mas halto aki a bira testigo di violencia contra hende muhe, na momento cu vice Presidente di Parlamento Chris Damers lo a dal Presidente di Parlamento Marisol Lopez-Tromp un mokete den su cachete. Aki Parlamento tin cu drecha su imagen. Sigur con a purba hinca e vilencia aki den “doofpot”, no ta beneficia Parlamento.

Y por ultimo, mi ta urgi tur mandatario y esnan cu por haci un diferencia pa nos tuma accion HUNTO, pasobra ta solamente HUNTO nos por brinda cabes na e problema serio di violencia contra hende muhe”, lider di MEP Evelyn Wever-Croes a finalisa bisando.





## Accidente entre motocicleta y pick-up na altura di Jay's Tire



**DIAHUEB**s merdia, Polis a wordo notifica di un accidente entre un motocicleta y un pick-up na altura di Jay's Tire.

Na yegada, Polis a topa cu e dama manehado di e motocicleta riba suela cu herida na su pia. A solicita presencia di ambulance pa atende cu e herido.

E pick-up y e motocicleta tabata bayendo direccion pa Santa Cruz. E chauffeur di e pick-up lo a hala na su man robes y causa e motocicleta pa dal parti dilanti y cay.

E dama motociclista a wordo transporta pa Hospital pa ricibi tratamento medico.

# ARUBA'S TOP 20



## NOVEMBER 26 2016

1/3.. HABRI BO CURAZON — SALVI

2/4.. I STILL WANT YOU — BRIAN JAMES

3/2.. ANY WHERE — PASSANGER

4/6.. WORLD INSIDE — MILOW

5/9.. MIN POR SIN BO — LADY B

6/1.. MA SOÑA CUBO AWE — HUMPRHEY FROKKE

7/12.. YOU ARE NOT THERE — LUKAS GRAHAM

8/13.. LE TEMPO QUI'IL FAUT — TAL

9/14.. CHANTAJE — SHAKIRA - MALUNA

10/16.. CANT GO WRONG — WILY

11/17.. TODAS LA PROMESAS — DA SOUL

12/18.. NOBO PA LELE — ORKESTA VEGA

13/19.. CASTIGAME — DME 1

14/10. MENINA — GENTZ - DJ JURIE

15/8.. UN LATIDO — DAVID DE MARIA

16/7.. MI GRAN AMIGO — LANDHA HENRIQUEZ

17/—MAG IK DAN BIJ YOU— JHURIEN GRANVIEL

18/—CLOSER - THE CHAIN SMOKERS-PIKO TARO

19/—PASCO LEW FOR DI CAS-ORQUESTA PEGA SAYA

20/5.. MUCHACHA LINDA — TSUNAMI

### BROADCAST ON HIT 94 FM STEREO

### SATURDAYS FROM 4.00 - 6.00 P.M.



# Xpresa bo mes

## Dia Internacional Contra Violencia Contra Hende Muhe

Skirbi pa: Lily Marval

**NA** 1981, e tratado CEDAW, un tratado pa eliminacion di tur clase di discriminacion y violencia contra hende muhe a ser ratifica (firma) pa mas cu 100 pais.

E paisnan aki a priminti di elimina tur clase di discriminacion y maltrato contra hende muhe. Esey tabatin como consecuencia cu hopi pais a haci un encuesta nacional na nan pais pa investiga con grandi e problema aki ta na nan pais.

Na Hulanda, esey tambe a tuma lugha, pero na Aruba ta te e aña aki un encuesta nacional a tuma lugha pa Fundacion pa Estudio di Genero y Famia bou guia di sra. mr. Lily Marval. Conmemorando e dia importante aki pa hende muhe, mi ta desea di comparti algun dato di e encuesta aki.

E encuesta aki a tuma lugha for di 18 di april te fin di mei 2016. En total 41 boluntario, (amiganan y ex-coleganan) plus 11 estudiante di UA a colabora gratuitamente. Nos a colecta data na e 6 consultorio di Wit-Gele Kruis, na HOH y SVb na Playa y na ImSan y SVb na San Nicolas.

Casi 800 cuestionario a ser ricibi di cua 759 a resulta di ta valido. 4 formulario a ser yena dor di e casa/pareha of hunto y NO por a ser uza. E grupo meta tabata hende muhe entre 15 te 60 aña.

E mayoria di respondientenan ta entre 20 cu 45 aña.

Resultado segun distrito: Oranjestad – 126; San Nicolas – 142; Santa Cruz – 135; Noord – 108; Savaneta – 88; y Paradera – 87. E encuesta tabata anonimo.

### Aki ta sigui algun informacion importante:

Pais di nacemento: Aruba – 470; Islanan antes Antiyas Neerlandes – 14; Hulanda – 28; Colombia – 95; Venezuela – 46; Santo Domingo – 38; Haiti – 15; y otro paisnan cu 1 of 2 persona.

Religion: Catolico – 515; Cristian – 129; Protestante – 14; Testigo di Jehova – 26; Pentecostal – 9; y ningun religion – 53.

Oranan di trabao pa siman: 40 ora of mas – 444(!); 32 - 40 ora – 61; part-time 25 - 31

ora – 35; menos di 25 ora – 34.

Entrada: Ningun – 130; menos di 1,600 florin – 125; di 1,600 pa 2,000 florin – 164; di 2,001 pa 3,000 florin – 148; 3,001 pa 4,000 florin – 71; mas cu 4,000 – 112.

Esey kiermen cu 76% di nos poblacion ta gana menos di 3,000 florin pa luna! Esaki ta concorda cu datonan di CBS.

Casi 13% di e 759 respondientenan a ser maltrata prome cu nan a cumpli 18 aña, dus ora nan tabata mucha y algun a ser hasta viola sexualmente!

21% di e respondientenan a menciona nan MAMA como e abusado y 15,8% a menciona nan TATA.

Tabatin preguntanan tocante e emocion cu e victima a sinti durante e maltrato: Berguensa – 20.7%; Impotencia – 16%; Miedo – 15,5%; 59.2% NO a haya cu maltrato ta algo normal; 65.3% a haya cu esaki NO ta husto y varios a skirbi como otro sentimento: RABIA!

409 di 759 respondiente a skirbi cu nan ta casa pa mas cu 5 aña; 170 ta casa pa menos cu 5 aña y 172 NO tin partner. 58 hende muhe a skirbi cu nan NO sa cuanto nan casa/partner ta gana pa luna.

Casi 18% di e corespondientenan ta experencia algun forma di CONTROL dor di nan casa/pareha. Control financiero dor di nan pareha: 6,6% y 6.1 % ta ser menasa.

Casi 10% ta sufri di maltrato leve, manera ser pusha of gedal.

Abuso emocional: Un promedio di 18,5%! Promedio di algun forma di abuso fisico – 5,4%. Algun forma di abuso sexual – 3.8% promedio. Personanan cu a keda cu algun forma di consecuencia negativo di maltrato: 3,1% pro medio.

Di e respondientenan 651 a purba di stop of preveni e violencia. 72 a busca ayudo cerca famia of amiga; 44 a bay Polis; 23 a entrega un demanda y 11 a bay un abogado; 20 a pidi divorcio; 13 a busca ayudo cerca nan dokter di cas; 6 a bay slachtofferhulp; 6 a bay hospital (E.H.); 8 a bay shelter di FHMD; 18 a bay nan pastoor; 48 dor di resa.

Motibo pa NO a busca ayuda: 17 ta haya fastioso pa papia riba esaki; 22 NO a haya cu ta algo grave; 17 tabatin miedo; 3 no kier a traiciona nan agresor; 2 ta haya cu ningun hende no por yuda toch; 5 no sa unda busca ayudo; 11 ta haya cu nan no mester di ayudo y 1 a skirbi cu su mama a bis'e pa lubida!

Stalking, A. Seguimento no desea – 80 = 10.9%; B. Yega cerca bo inesperadamente – 96 = 13%; C. Warda riba bo; D. 70 = 9.5%; E. Manda carta/flor etc – 81 = 11%; F. Rumor falso riba media social – 38 = 5.2%; G. Destruccion na pertenencianan – 28 = 3.8%. Loke ta causa mas miedo cerca e respondientenan ta e mensahenan indesea: 23,1%.

Loke nos NO a spera: Dos hende muhe, cu no tin lugha di keda (“homeless”) a yega na nos mesa di encuesta. Como e encuesta ta anonimo nos no a nota nan nomber loke ta jammer, pasobra awor nos no por yuda nan.

Un experiencia tristo ta mucha muhe hoben cu ta tembla di miedo of pidi pa yuda nan hasta ta pidi cuminda. Tin varios hoben, tanto mucha muhe como mucha homber abandona pa nan mayornan y no tin suficiente lugha pa yuda nan. Lo sigui mas informacion na TV y radio.

**STOP  
VIOLENCE  
AGAINST  
WOMEN**





# Marlyn Croes ta gradua como Bachelor den Organization, Governance and Management

**DILANTI** di un comision di graduacion estudiante Marlyn Croes a defende su investigacion pa obtene su titulo di “Bachelor of Arts” di e programa academico Organization Governance & Management (OGM).

Esaki ta un programa academico cu Faculty of Arts & Science di Universidad di Aruba ta ofrese. Marlyn ta bira e di diesun graduado di e programa di estudio aki.

E presentacion y defensa di e tesis a tuma lugar dilanti di e comision di graduacion cu a consisti di drs. Angelo Brete (supervisor di thesis), dr. Luc Alofs (como segundo supervisor di thesis) y Directora di Departamento di Economia, Comercio y Industria sra. Maria Dijkhoff-Pita (MBA), como representante di e organisacion den cual e investigacion a wordo haci.

Marlyn a scoge un di su materianan favorito pa haci un investigacion mas profundo, cual tabata Human Resource Management.

E motibo di esaki ta su interes specifico pa contribui na estudionan riba tereno di mehoracion di efectividad den organisacionnan publico. Motivacion di individuonan na pia di trabao y satisfaccion laboral ta temanan hopi conoci y discuti den organisacionnan priva y particularmente den sector gubernamental.

Ta parse cu sector priva ta esun cu ta experimenta mas cu e topiconan aki y ta trece cambionan mas rapido, dor cu esakinan ta wordo provoca pa cambionan riba mercado laboral, desaroyo di tecnologia y efectonan di globalisacion.

Pa por sigui cu e desaroyonan aki, organisacionnan ta depende hopi di e capital humano.

Por lo tanto, ta interesante pa investiga si individuonan ta satisfecho na pia di trabao y kico ta conduci na e satisfaccion aki.

Tambe ta interesante pa investiga e grado cu obhetivonan personal a wordo realisa y con un organisacion por apoya e individuo p’asina e por labora na un manera mas eficaz na su propio beneficio y tambe na esun di e organisacion.

A base di esaki, Marlyn Croes a incia su investigacion den colaboracion cu un di e departamentonan prominente den sector

publico di Aruba, cu ta Departamento pa Asuntonan Economico, Comercio & Industria.

E obhetivo principal di su investigacion tabata na investiga e relacion entre motivacion na pia di trabao y e satisfaccion laboral p’asina determina con esaki ta afecta of influencia otro.

Marlyn a diseña un marco teoretico cu a sirbi na comprension di e terminologianan y factornan cu ta determina motivacion y satisfaccion laboral.

E resultado di e investigacion tabata cu tin un relacion significativa y positivo entre e satisfaccion laboral, recompensa, supervision y comunicacion den e departamento aki.

Despues cu e supervisor di thesis, sr. Angelo Brete a comparti algun detayes di e trayectoria estudiantil di Marlyn Croes y a describi e graduado como un individuo cu hopi perserverancia, decano drs. Tim Croes a haci entrega di e diploma den presencia di famia, amigo y conocinan.

Comunidad di Universidad di Aruba, particularmente e

departamento di “Organization, Governance and Management”, ta felicita Marlyn cu e logro aki y ta manda desonan di hopi exito pa su carera profesional.

Pa mas informacion riba e estudio OGM, bishita e website di Universidad di Aruba na <http://www.ua.aw/OGM>.





# 26 NOV 2016

IVANILDO METTENDAF

CLAYTON RAVEN

# BOSS 3 OF THE RING INTERNATIONAL

Marciano Thakoer vs Randy de Cuba    Victoria Coelho vs Chiara Petrochi    Diego Zambrano vs Charles Kelly

DOORS OPEN: 6 PM - START TIME: 7 PM

**PLACE: ARUBA JUNIORS**

**TICKETS: DOYO BOYE MARTIAL ARTS CENTER - PONTON BARBERSHOP - THE MAN CAVE BARBERSHOP**

**GENERAL: AWG 25,- KIDS: AWG 15,- | FOR VIP CALL: 567-1660**



Den Volleyball Escolar organisa pa IBiSA:

# Colegio Bon Bini ta titula Campeon



**DESPUES** di un siman di weganan sumamente interesante den Centro Deportivo Betico Croes na Sta. Cruz, e Campeonato di Volleyball Escolar organisa pa IBiSA a finalisa diahuebs atardi.

E weganan di final a inicia pa 2:30pm, unda cu den e prome wega ta subi cancha pa midi forsa pa e di tres y di cuater lugar e muchanan di Scol Preparatorio Kudawecha y esnan di Prinses Amalia Basis School.

E wega aki a desaroya basta rapido y ta wordo gana pa Prinses Amalia Basis School, cu finalmente ta logra e di tercer lugar den e campeonato. E muchanan contento ta ricibi nan medaya como ganador di e di tres luga.

Den e wega cu a sigui mesora despues, e muchanan di Cacique Macuarima School ta subi cancha pa hunga yen di animo. E scol aki ta conoci pa duna fuerte bataya den e deporte di volleyball.

Nan a hunga e wega pa titulo di campeon contra e muchanan di Colegio Bon Bini, cu e aña aki a sa di duna tremendo bataya cu a clasifica nan pa final.

E wega riba su mes a resulta den un intercambio di punto bastante fuerte for di cuminsamento. Ambos scol a lucha te na final dunando otro hopi dolor di cabes. Tabata bisto cu tur dos scol a traha duro pa logra e titulo di campeon desea.

Na final ta e muchanan di Colegio Bon Bini a celebra cu alegria e titulo di Campeon Nacional di Volleyball Escolar 2016-2017 di Enseñansa Basico, den e categoria B-mucha muhe.

Mientras cu Cacique Macuarima School ta keda na di dos lugar y ta ricibi nan medaya como tal. E muchanan di Colegio Bon Bini ta ricibi nan medaya di prome lugar y tambe e Copa Rotativo di Campeon di Volleyball Escolar mucha muhe.

Tanto e team di volleyball di Cacique Macuarima School cu ta sub-campeon y e team di Colegio Bon Bini como campeon, ta bay representa Aruba den e 'Weganan Interinsular 2017' den e deporte di volleyball.


Ora un disciplina di deporte den e 'Weganan Interinsular' ta tuma luga na Aruba mes como isla organisador, e prome y e di dos luga di e campeonato escolar ta haya e oportunidad pa representa nos isla. Den e caso aki e 'Weganan Interinsular 2017' ta tuma luga diano 6, 7, 8 y 9 di april 2017.

IBiSA ta felicita tur scol cu a participa, specialmente e ganadornan y tambe tur mayor y maestro pa nan contribucion, apoyo y sosten na nan scol durante e campeonato.

Pa un reportahe amplio di potret di tur wega, por subi riba Facebook di IBiSA.



# Inscribi pa IBiSA su Calendario di Evento 2017



**INSTITUTO** Biba Saludabel y Activo, IBiSA ta preparando e calendario di evento anual. Pa tal motibo ta informa directiva di tur organisacion deportivo, organisacion cultural, club y scol cu ta desea di forma parti di e Calendario di Evento “Recreativo y Deportivo” pa aña 2017, pa cuminsa manda nan peticion pa IBiSA.

## Rekisito

Tur organisacion, institucion, club of scol cu ta desea pa nan actividad aparece rib’e “Calendario di Evento IBiSA 2017” tin cu cumpli cu siguiente rekisitonan:

E organisacion/club mester tin su Statuto; Tur organisacion/club tin cu busca y yena un formulario di peticion na oficina di IBiSA; Cada aña mester entrega peticion di nobo; Tur organisacion/club, etc. cu ta rib’e Calendario di Evento 2016 y ta desea di aparece rib’e Calendario 2017, tin cu yena e formulario di nobo. No tin excepcion.

Cumpli cu e fecha stipula como ‘deadline’ cu ta dia 10 di december 2016, pa IBiSA por saca e calendario 2017.

E formulario di peticion ta obtenibel na oficina principal di IBiSA situa na Frankrijkstraat 1. Cada organisacion por pasa busca esaki durante ora di oficina 7:30am – 12:00pm y 1:00pm – 4:30pm, pa yena tur informacion y despues entrega esaki bek na oficina di IBiSA.

Ta recorda tur organisacion/club, etc. cu IBiSA NO ta bay acepta ningun peticion “di ultimo momento” pa un evento, pa esaki sali rib’e calendario e prome tres luna di aña 2017.

Pa mas informacion por tuma contacto cu “Afdeling Sport en Recreatie” cu sr. William Erasmus na oficina di IBiSA na telefon 582-49 87, of via e-mail na [ibisaarubaregistratie@gmail.com](mailto:ibisaarubaregistratie@gmail.com).



## Charuba ta honra autor Greg Peterson na San Nicolas cu un evento special



**DIASABRA** anochi, Editorial Charuba a honra Greg Peterson cu presentacion oficial di su buki Aruba Bird Wildlife na San Nicolas.

Aki a tuma luga un evento masha special cumusica di Lee Connir cu su steelband, un quintet di Mo Mohammed y Mishushu Mohammed riba drum y tambu, un steltloper profesional Inkerman de Freitas acompaña pa e hobencita yiu di Nicole Godett, Naya Whitfield.

Fuera di Alice van Romondt kende a hiba palabra den nomber di Editorial Charuba y Prins Bernhard Cultuurfonds, tambe dr Gorgoza y Nathalie Silva, directora di Parke Nacional a felicita Greg Peterson, Annette Petron- Bredie y Albert Peterson cu e tremendo buki di parha di Aruba.

Un joya di un publicacion cu ta conta cu no menos cu 450 pagina, ful na color.

E ta e resultado di 8 anja di trabow di Greg Peterson y su ruman Albert tambe.

Den registro den 4 idioma inclui.  
Manera Alice van Romondt a bisa: e buki aki merece un luga hopi special den cada hogar na Aruba!

Minister Hooyboer a anuncia cu cada scol cu haya un exemplaar di Ministerio di Enseñansa.



E buki exceptional aki ta obtenible na Bruna, Van Dorp y Plaza Bookshop.

Un palabra di gratitud ta bay pa Galeria Artisa y su director Tito Bolivar, kendenan a zorg pa un anochi inolvidabel. Un grupo grandi a disfruta di e ambiente nobo y unico na San Nicolas.


Un palabra di gratitud ta bay na Romar Trading, kende a zorg pa e brindis, Milton Harms y Greg Peterson ta amigo desde tempo di Colegio Arubano.



Ministerio di Infraestructura y Sector Primario coordinando esfuerzonan

# DOW, Serlimar y Santa Rosa trahando riba limpieza y rehabilitacion di camindanan



<div><div></div><div>BANCO DI CARIBE</div></div> <div>OFFICIËLE KOERSEN TEN OPZICHTE VAN DE ARUBAANSE FLORIN</div> <div>GELDIG OP 25 Nov, 2016 EN TOT NADER ORDER</div>				
valuta	aankoop van publiek			verkoop aan
	bankpapier	wissels, CHQ's reischeques en overboekingen		publiek
Ned. Antil. Gulden	ANG	98.00	100.00	biljetten
Per ANG 100				chg./overboeking
Amerikaanse dollar	USD	1.77	1.78	1.80
Canadese dollar	CAD	1.30	1.32	1.34
Zwitserse frank (per 100)	CHF	175.48	176.20	177.00
Pond sterling	GBP	2.15	2.20	2.26
Japanse yen (per 10.000)	JPY	156.14	157.56	159.15
EURO (per 100)	EUR	186.94	188.65	190.54
Deense kroon (per 100)	DKK	24.37	25.09	25.89
Noorse kroon (per 100)	NOK	19.79	20.51	21.31
Zweedse kroon (per 100)	SEK	18.26	18.98	19.78

**ADICIONAL** na e esfuersonan cu ta forma parti di e accion “Hunto Nos Ta Yuda” organisa pa Gobierno di Aruba hunto cu Cruz Cora y varios instancia publico, Minister di Infraestructura Benny Sevinger y Minister di Sector Primario Mike Eman ta coordina trabounan pa limpieza di diferente area y rehabilitacion di caminda pa seguridad di nos ciudadanonan. “Tur ploeg di DOW, Serlimar y Santa Rosa ta trahando riba diferente front, un ta e riool cu mester haci limpi, e rooinan cu mester wordo haci limpi, damnan cu mester wordo haci limpi, pero tambe e careteranan cu mester wordo bari pa e santo kita paso e ta peliger pa trafico, pero tambe ta kibra e asfalt bou di dj’e,” asina e titular di Infraestructura a declara.

“Mas lihe posibel nos kier tin nos careteranan limpi, pero tambe e barionan cu a sufri daño pa e susedad. Y esey nos ta haciendo den e dianan aki, e ta bay tarda pasobra ta hopi trabou tin, pero cu tur ploeg di DOW y tur departamento di Serlimar y Santa Rosa, nos ta sigur cu den e proximo dianan nos lo tin un limpieza total di nos pais y asina ey nos lo ta actualisa atrobe pa loke ta trata nos infraestructura”, Minister Sevinger a duna di conoce.



## Bishitante nan leal a wordo honra na Costa Linda Beach Resort



**RECIENTEMENTE**, e siguiente bishitantenan leal a wordo honra como Embahador di Bon Boluntad na nos isla di Aruba: Jerrie y Shermayne Shepherd, Timothy Daly, Rose Marie Partington, Judy Rolli, Jonni y Tom Meeker y tambe Robert y Mary Lane.

E huespednan aki ta hopi special mes cu ta bishitando nos isla pa mas di 20 aña caba consecutivamente. E titulo simbolico aki ta wordo presenta den nomber di Minister di Turismo como un muestra di aprecio pa e bishitantenan cu ta regresa Aruba.

Sr. Ricardo Croes di ATA a haci entrega di e certificado aki durante un ceremonia oficial na Costa Linda Beach Resort.

## Bishitantenan leal a wordo honra na Costa Linda Beach Resort



**RECIENTEMENTE**, e siguiente bishitantenan leal a wordo honra como Embahador di Bon Boluntad na nos isla di Aruba: Guy Martin, y Dennis y Shirley Heisey di PA USA.

E huespednan aki ta hopi special mes cu ta bishitando nos isla pa mas di 20 aña caba consecutivamente. E titulo simbolico aki ta wordo presenta den nomber di Minister di Turismo como un muestra di aprecio pa e bishitantenan cu ta regresa Aruba.

Sr. Ricardo Croes di ATA a haci entrega di e certificado aki durante un ceremonia oficial na Costa Linda Beach Resort.



# TNO Caribbean ta yuda fincanan Cubano cu solucion pa energia duradero



**MIEMBRONAN** di e ekipo di expertonan riba tereno di awa y energia di TNO Caribbean a bishita un finca special na Cuba. E finca aki a keda estableci como un demostracion.

Y meta di e bishita tabata pa duna un presentacion di un plan con pa implementa energia sostenibel pa irigacion y refrigeracion desaroyo pa TNO Caribbean. E bishita a sosode a base di un invitacion di Gobierno Cubano y den colaboracion cu e organisacion Hulandes pa desaroyo, HIVOS. E plan cu a keda presenta na Cuba na octobe rtabata resultado di un bishita cu TNO Caribbean a haci caba algun luna prome, riba invitacion di Gobierno Cubano.

E motibo di e peticion pa TNO Caribbean duna un conseho na Cuba ta danki na su reputacion riba tereno di "Smart Sustainable Island Solutions", esta Solucionnan SOstenibel Inteligente pa Islanan" cu ta enfoca rib'e region Caribense.

Ta trata aki e desaroyo di conceptonan pa produccion sostenibel di coriente y awa portable, pero tambe procesamiento di desperdicio y e uzo optimal di fuentenan local y recursonan natural cu por yuda. Electricidad y awa ta esencial pa islanan y regionnan aleha.

Ainda ta haci hopi uzo di combustibelnan fosil pa produccion di

awa y coriente den e region Caribense.

Esaki, mientras cu e islanan mes tin un sin fin di fuentenan energetico duradero den forma di biento, solo y masabiologico. Sin embargo, pa implementa e fuentenan natural, p'asina e distribucion di coriente por bira confiabel y pagabel ta existi experticio tecnico nobo.

E proposicionnan pa solucion cu TNO Caribbean a bin cu ne ta trata di un combinacion di panelnan solar pa e refrigeracion di juicenan di fruta y e conversion di resto di mata na gas biologico. E combinacion aki lo mester conduci na un uzo mas abou di coriente, un produccion di coriente mas confisbrl y consecuentemente un cuenta di coriente mas abou. Si e experiment aki resulta existoso na e finca special aki, lo por amplia e concepto pa otro produccionnan.

Tabata na octoner cu TNO Caribbean a presenta su plan durante un tayer pa e Ministerio di Agricultura y Universidad di Argicultura di Cuba, den presencia di representantenan di diferente finca. Banda di esey a papia tambe, con Cuba por haci un transicion completo for di combustible fosil pa mas implementacion di energia duradero local.



Lansando un campaña

# ‘Plastic Bag Ban Team’ kier trece un cambio den pensamento bou di pueblo



**DURANTE** un conferencia di prensa a papia riba un tema hopi importante pa e maneho di sostenibilidad cu Gobierno y pais Aruba ta hibando.

A lansa un video-clip unda cu muchanan ta hunga un rol importante pa conscientisa pueblo pa no uza saconan di plastic mas, cu ta dañino pa medio ambiente.

E campaña aki ta uno cu ta wordo hiba dor di Plastic Ban Team – lidera pa Parlamentario Donny Rasmijn, Juliet Carvalhal (Special Coordinator Green Agenda di Gobierno di Aruba) y Omar Harms (Beleidsadviseur Prome Minister Mike Eman).

Despues cu e ley di iniciativa, cu nan mes a traha riba dj’e, a wordo aproba na inicio di aña, e grupo a sigui traha hunto cu stakeholders pa lansa un campaña pa conscientisa e pueblo rib’e ley cu ta prohibi negoshinan entrega saco di plastic na e cliente, ya cu de lo contrario nan por haya un advertencia y despues boet.

E PBBT ta trahando e. o. cu Green ‘S Cool Foundation, cu den e conferencia di prensa a wordo representa pa Elton Arends. E fundacion aki ta traha hopi riba proyectonan di sostenibilidad cu enfoca riba studiantenan.

Pa cumpli cu su proyectonan, e Fundacion ta cuminsa cu benta di tasnan re-usabel, manera nan campaña ta bisa.

“Nos fundacion a sali di Bureau Innovatie di Gobierno. Nos a haci hopi proyecto hunto cu studiantenan p a asina siña nan di un edad hoben caba pa ta consciente di nan medio ambiente. Nos ta haci diferente competencia den cual nan por participa y siña mas

riba medio ambiente, kico ta energia alternativa y sostenibilidad”, Arends a splica.

E tema di e competencia ta “Aruba 2046. Con bo ta wak Aruba aki 30 aña”.

A base di e cooperacion cu e Plastic Bag Ban Team, a traha un logo di “mi tas ta re-usabel”.

Pa e tas aki, cu ta traha di un material “jute” cu ta sostenibel y no ta dañino pa medio ambiente, ta bay organisa un competencia bou di studiantenan di scolnan basico y secundario di un diseño cu mester ilustra e tema di sostenibilidad. E fondonan cu recauda ta bay bek pa e fundacion por sigui haci proyecto cu ta conscientisa e muchanan jong di Aruba rib’e importancia di medio ambiente.

Den e conferencia aki Minister di Medio Ambiente a wordo representa pa Allan Howell, kende tabatin masha palabra di elogio pa e trabou di e Plastic Bag Ban Team, cu a logra dal un stap hopi grandi na bienestar di medio ambiente.

E ta kere cu e lo tuma un tiki tempo pero cu e pueblo ta adapta su mes, mescos cu por adapta su mes na momento cu sea e ta bay bishita of biba den exterior.

E video-clip a wordo produci dor di Hairo Oduber, kende a bisa cu ta natural cu el a coopera cu e proyecto aki, mirando cu semper e tabata consciente di medio ambiente. Pero ta durante e filmacion el a bin realisa con grandi e uzo di saco di plastic ta na Aruba cu ta afecta e animalnan di Aruba y e bida marino.





Cumana #44 Tel: 586-4444 / 733-2906  
E: royalfuneralhome@hotmail.com / 593-0857 / 731-5847

Conforme Boluntad di Dios y agradecido pa loke el a nifica pa nos,  
Nos ta participa fayecimento repentino di Nos Mama Stima, Wela, Bisawela, Suegra y Amiga

## Seferina Kelly-Erasmus



8 Januari 1930 –  
22 November 2016  
(miho conosi komo "Inchi"  
di Costureria La Elegancia)

Na number di su:

Esposo: †Juan Kelly

Yuinan : Rudolf R.(Doy) & Erna Kelly y Famia,  
Franklin R.A.(Franco) & Ingrid Kelly y Famia,  
Irene M. Kelly y Famia,  
Nelson F. & Lilian Kelly y Famia,  
Irving E.(Vinky) & Jacky Kelly y Famia,  
John M. Kelly & Denice Kabolefodo y Famia,  
Gwendeline J.(Wendy) & Edmiro Anita y Famia,  
Gina A. Kelly, Sharine R. Kelly.

Nietonan : Uri, Brian, Richard, Marvin, Yelitzia,  
Frank, Frangina, Cindy, Sheila, Marshall, Michelle,  
Frederick, Kenrick, Yon, Kathlene, Kadisha,  
Josephine, Johnathan, Walter, †Saina, Jhanirha,  
Shamiro,

32 Bisanieto & 2 Tataranieto

Rumannan: †Hyacintho Erasmus, †Emilia Hernandez,  
†Eugenia Tromp, †Felipe Erasmus,  
†Catharina Maldonado, †Juan Erasmus, Theresita  
Gil, Jose Erasmus, Petra Giel, Maximo Erasmus,  
Agatha Pieters, Tharcisio Erasmus, Antonio  
Erasmus

Swanan & Cuñanan : Fabian Kelly, †Higinio Kelly,  
†Viola Dijkhoff, †Marco Kelly  
Amiganan: Chichi Croes, Candy Werleman, Lisette  
Lacle y nan famia, Amiganan di  
Nos Perla, ex-trahador y clientenan di La Elegancia

Demas famianan: Erasmus, Kelly, Croes, Martinez-  
Gomez, Bermudez, Stamper, Lee, Joseph, Kabole-  
fodo, Jimenez-Hernandez, Anita, Hernandez,  
Maldonado, Tromp, Pieters, Donker, Giel, Gil,  
Alvarez, Dijkhoff, Luidens, Volkers, Dirksen, Trimon,  
Punselie, Lejuez, Diaz, Da Costa Gomez.

Invitashon na tur famianan, amigonan, bisiñanan y  
conocirnan na e bishita di condolencia dialuna 28  
Nov'16 di 7 - 9pm – Royal Funeral Home  
Restonan mortal di nos Mama lo ta reposa diamars  
29 Nov for di 12 – 12.45 pm na Ponton 72.  
E defunto lo ta reposa diamars 29 Nov'16 di 2 - 4  
pm na – Royal Funeral Home,  
Despues e acto di entierio lo tuma luga 4.30 pm na  
Santana Catoliko na Playa.

Nos disculpa si den nos tristesa nos por a lubida  
un famia.

Nos lo despidi di nos Mama den un forma bunita.  
Despues di entierio no ta risibi bishita di condolen-  
cia na cas.



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

Y e pas di Dios cu niun hende no por compronde,  
lo warda boso curason y mente den union cu  
Cristo Hesus.  
Filipensenan 4: 7  
Cu inmenso tristeza na nos curason, nos ta  
anuncia fayecimento di:

## Ethleen C. M. van der Biezen

Miher conoci como  
"Tinchi" of "Eth"  
\*08-06-1983 - †23-11-2016



Yiu: Evy-Camila van der Biezen  
Tata: Epifanio van der Biezen  
Mama: †Francisca van der Biezen-Maduro  
Rumannan: Jasmyne van der Biezen y Rigmar Roza  
Marushka van der Biezen y Franklin Leest  
Estefany, Ecaterine y Ellen-Nicole van der Biezen  
Marcelino Maduro  
Sobrina(o)nan: Jasory Giel  
Jasmeline Giel y Manuel Hernandez  
Jasorick Giel y famia  
Jordy Giel (iha)  
Marilushka Leest

Sobre sobrino/a: Alia, Jayli, Jion, Jamyliane  
Tanta y Omo:  
Marcelo (Buchi) van der Biezen y famia  
Sra. Vda. Damasa Lacle y famia  
Sra. Vda. Elogia (Yoyo) Thiel y famia  
† Tan Van der Biezen y esposa Teresita (Chichi)  
† Carmen Werleman y famia  
Sra. Maria Kock y † Momo Luis (padrino)  
Sra. Philomena (Mena) van der Biezen y famia  
Godifrido (Chito) van der Biezen y famia  
† Marco Maduro y famia na Hulanda  
† Chido Maduro y famia  
Jachi Maduro y famia  
† Juanita Dabian y famia  
Margarita Werleman y famia  
Marcolina Maduro y famia  
Reineta Maduro y famia  
Maria (Ada) Kemper y famia

Manera ruman: Aldric Brete y famia  
Jefferson Gomez y famia  
Juelson van der Biezen y famia  
Lily Kock y famia  
Tona van der Biezen y famia  
Franca de Kort y famia  
Fedeline Thiel  
Lysandra Rivadeneira y famia  
John Croeze y famia

Demas primonan, amigonan, bisiñanan, conocir-  
nan, bon amiganan di scol y ex coleganan ta keda  
cordialmente invita pa asisti na acto di entierio.

Acto di entierio ta:

Diamars 29 di november.

E restonan mortal lo ta reposa for di 1 or di atardi  
na Capel di Santa Famia na Pos Chiquito y despues  
lo sigui pa Santana na Sabana Basora.

Fecha y adres pa condolencia:  
dialuna 28 di november proximo na Aurora  
Funeral Home di 7'or pa 9'or pm.

Despensa nos si pa motibo di nos tristesa of dolor  
nos por a lubida un famia.  
Preferible bini bisti na colornan alegre.  
Despues di entierio nos no ta ricibi bishita di  
condolencia na cas.



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

God will bless you when you honor your mother  
and father,  
Children obey your mother, when you don't honor  
your mother the Lord will not bless you,  
Stop fighting your children before it's too late.  
Have fun with your family, Learn to forgive.  
Do your part to live in peace.  
Forgive, Forgive, Forgive.  
We are blessed, Thank the Lord in Jesus name  
Amen !

Cu inmenso dolor y tristeza na nos curazon, pero  
agradecido pa loke el a significa pa nos, nos ta  
anuncia fayecimento di:

## Sra. Judith Felomena Maduro-Stamper

\*16-03-1948  
†20-11-2016



Na number di su

Esposo: Albertico Maduro

Mama stima: Edna Emeteria Stamper Antonio

Den felis memoria di mi tata stima:

†Eusebio Martinus Stamper

Yuinan stima: Ethline & Hubert Capello,  
Ingrid Stamper,  
Francis Stamper.

Nieto(a)nan stima: Sergio & Farah Holmond,  
Juleane Stamper, Shawn Holmond,  
Shanice & Ramzi Geerman,  
Shemar Holmond, Jaythan Stamper,  
Benjamin Capello.

Bisanieto(a)nan stima: Jayquin, Kymani, Dylaisha,  
Danisha, Gersinio,  
Elisa, Gianni, Djessenia.

Ruman nan stima: Franky Stamper,  
†Ingrid Stamper, Aida Stamper,  
Edith Stamper, Glenda Willems Stamper,  
Rinolva Stamper, †Humphrey Stamper,  
Randy Stamper,  
Swinda & Jules Richardson.

Tanta y tio nan na hulanda: Elsa Hooi y famia  
Casilda Stamper y famia, Ricardo Stamper y famia.  
Madrina: Sra Carmen Desbarida  
Subrino(a)nan, primo(a)nan, 2 iha nan, comer y  
comper nan, bon bisiñanan, cuña nan y swa nan,  
famia na hulanda, merca y curacao y demas famia:  
Stamper, Maduro, Capello, Antonio, Holmond,  
Arrindell, Hooi, Martina, Pieters, Constantyn,  
Streden, Willems, Vorst, Vos, Ricao, Boasman,  
Leerdam, Sambo y Quant.

Mi amiga y amigo nan di cas: Marjorie, Jessica, Mia,  
Beans, Gina, Imelda, Martha, Marijola, Luty, Eddy,  
Chef, Sonia, Pricilla y Carmen

Amiga para siempre: Sra Karsten, Sra Tju, Sra Mills.  
Gradicimiento na tur e dokter nan cu a yuda Judith  
den su dianan dificil. DANKI DI CURASON.

Dr Jonkhoff y staff, Dr Wassenaar, Dr Huisman, Dr  
Cassares, Dr Kock, Dr Wever, Zuster Linda, LITE  
LIFE: Lily Prins, Sonia y staff

Lo tin oportunidad pa condoleer dialuna 28 di  
November na Aurora Funderal Home di 7'or pa  
9'or di anochi y diamars 29 di November di 9'or pa  
11'or di mainta.

Sigun deseo di Judith acto di cremacion lo tuma  
lugar den seno familiar.





Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

The LORD is my Shepherd, I shall not want.  
He makes me lie down in green pastures, he leads me  
beside quiet waters.

Psalm 23

It is with our deepest sorrow that we announce the  
passing of



## Dr. Harold Narain

\*05-02-1950 †19-11-2016

Son of: Hubert Narain

& Heloise Le Grand-Narain

Husband of: Ruby Narain-Richardson

Children: David Narain & wife Carol Narain-Bangsadjiwa,

Daniel Narain, Naomi Narain-Cabenda &

husband Laurence Cabenda, Timothy Narain.

Grandchildren: Caleb Narain, Sarah Cabenda &

Rebekah Narain

Siblings: Dennis Narain & wife Lemy Narain, Eric Narain,

Mark Narain & wife Peggy Narain,

Myrna Narain & husband Ruben Blokland

Niece: Manami Brandon & family

Nephews: Mahmud Narain & family, † Jair Blokland,

Cedric Blokland, Jelani Narain.

In-laws: Clyde & Ans Cabenda,

Riduan & Marie Bangsadjiwa,

Alfonso & † Lies Richardson,

Hubert & Ria Richardson-Niemantsverdriet,

Rich(Tracy) Richardson & Shirley Hassel,

Glenda Wellington-Telesford,

Donny Telesford,

† Winston Telesford,

Bienvenido(Benny) & Rita Richardson

Yolanda & Reggie Havertong Richardson

Richnell Havertong

Dr. Eleanore Walker

Pamela & Dr. Ron Mc Ghee & family

Heidi Brandon

John & Relanne Nesbith & family

Iona Richardson & Family

Jerry & Irene Nisbeth Tijn-A-Kwoei & family

Shakira Croes & family

Malaki Croes & family

Reverend Shirley Brown, Terry Brown & family

Marva Nesbit

Good friends:

Dr. Tim Peterson, Dr. Fabio Moreta, Dr. Francis de Windt,

Dr. Casper Lacle, Dr. Raynold Luchmun, Akil Arrindell,

Margo & Eddy Bennett, Maritza Cilie, Julie & Andre

Alberga, Netty & Baba Arrindell, Dr. Patrick Haime, Dr. Ike

Posner, Dr. Derwin Alders, Dr. Emerica Richardson, Dr.

Michel Mungra,

Dr. Arnold Dhore, Mily Henriquez, Marie-Therese Croes &

family, Michelle Brooks, Yvonne Kromhout, Hester &

James Van Putten, Marisol & Edsel Lopez-Tromp, Irene vd

Linde & family,

Dr. Claudia Samy, Filomena & Frank Croes, lawyer Chris

Lejuez, lawyer Hans Sjiem Fat, Dr. Jason Petronilia

OK & verloskamers personeel,

And all his wonderful loving patients.

Families related to:

Narain, Manstra, Tijn-A-Kwoei, Braaf, Eyndhoven, Smith,

Pawiroredjo, Brandon, Richardson, Wellington, Cabenda,

Bangsadjiwa, Telesford, Walker, Croes, Arrindell.

Please accept our apologies if in our sorrow we have  
omitted anyone.

Condolences at 19:00 until 21:00 Friday 25th of

November 2016, at Aurora Funeral Home, Oranjestad.

The funeral will take place on Saturday 26th of Novem-

ber 2016, the body of the late Dr. Harold Narain will be

laid out, from 1-3 pm, followed by a funeral service from

3-4pm at Aurora Funeral Home, Oranjestad. The body

will be cremated in a family setting.

Instead of flowers, donations to the "Patients Rights"  
foundation is appreciated.

Recordatorio:

# Feria Gastronomico Multicultural Dakota diadomingo dia 27 di november 2016



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

Si un hende muri, lo e bolbe bida? Tur e dianan di  
mi lucha lo mi spera, te ora mi liberashon bin. Abo  
lo yama i ami lo kontesta' bo ; Lo bo anhele na e  
abro di bo mannan.

Job 14:15

A fallece despues di un lucha duro nos mama nos  
ruman nos tanta nos wela "



## Sra. Vera Maduro Statius

Nace 23-Oct-1947

Fallece 22-Nov-2016

Na number di su

Esposo: Emitterio Maduro

Su yuinan: Rocky Maduro y Mary Boekhoudt

Sandro Maduro y Erica Koolman

Jeffery Maduro y Amarantha Dirksz

Quilión Maduro y Adrianne Maduro

Su nietonan: Rozeal, Inais, Quilla, Wallace,

Gringer, Tessa.

Su Rumannan: Sra. Filomena (chimena)

Statius y esposo Loreto Maduro rip

Sr. Roque (Buchi) Statius,

Sra. Sheila (shela) Statius y esposo,

Rufino Maduro,

Sra. Swinda (chifina) Statius y

esposo Roberto Angela,

Srta Gloria (goya) Statius,

Sr. Jozef (roy) Statius,

Sra. Martica (tica) Statius y

esposo Tarsico Rasmijn,

Sr. Amancio (donny) Statius,

Srta. Vencia Statius rip.

Su Subrinonan y Subrinanan

Su Tantan y Omonan, Su Rumannan di Testigo di

Jehova Y pa tur esun cu por a wordo lubida.

Un danki special ta bai na su huis Dr. Amarantha

Dirksz, y na su verpleester Letisia S. Rasmijn.

Ta invita pa asisti na e acto di entierro cu lo tuma

lugar diasabra 26 november 2016 for di 9'or di

mainta pa 11'or na Salon di Reino na Macuarima,

despues lo Sali pa Santana Central di Sabana

Basora.

**BISHITANTENAN** por purba speciali-  
dadnan di diferente pais. Tin oportunidad  
pa saborea cuminda multicultural rib'e  
parkinglot di Parokia Birgen di Fatima riba  
diadomingo 27 di november di 9:00am te  
cu 2:00pm.

Lo tin tent di cuminda di Aruba, Colombia,  
Ecuador, Peru, Republica Dominicana, Suri-  
nam y Venezuela ofreciendo cuminda grandi  
pa Afl. 10, sopi y plato di cuminda chikito  
pa Afl. 5, snacks y cos dushi/dessert pa Afl.  
2 y coy bebe pa Afl. 1 of Afl. 2.

Nos ta encurasha y invita un y tur pa bin  
misa prome diadomingo di Advent, cuminsa  
un año liturgico nobo. Pasa parkinglot di  
Misa di Fatima pa purba e diferente plato.

## Parokia di Dakota

Meta di e feria ta pa muestra un variedad di  
cuminda di diferente cultura y pa recauda  
fondo pa e renobacion di Parokia Birgen di  
Fatima.

Un invitacion ta bay na tur parokiano di  
Parokia di Dakota y tur católico di Aruba  
pa bishita e feria.







## Homber no kier a paga su cuenta y a lanta contra Polis

**DIABIerna** marduga, un problema a surgi na Terrace Bar na Savaneta unda un homber bebiendo den e bar a bira brabo ora el a haya recibo pa paga su cuenta.

El a nenga pa paga y tabata den posicion pa bringa cu tur hende. Polis a wordo yama pa interveni. E homber a lanta contra e agentenan femenino, pa cual a solicita mas refuerso di nan coleganan.


E homber a wordo domina y deteni pa transport'e Warda di Polis pa ta bou influencia di alcohol y intento di agresion contra autoridad.



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

Señor ta mi wardador,  
mi'n tin falta di nada,  
den cunucu di yerba berde  
E ta pone mi sosega.  
E ta hiba mi na awa tranquil,  
pa mi bolbe haya forza.  
Salmo: 23.1

Cu inmenso dolor y tristeza na nos curazon, pero conforme cu boluntad di Dios nos ta anuncia fayecimento di



**Sra.vda. Helena Dirks-Geerman**

"Nena di Dama"

\*05-02-1931 - †23-11-2016

Na number di su

Juinan: Francisco y Marichi Geerman-Tromp,  
Gregorio Dirks,  
Florentina Dirks,  
Brigida y Pief Maduro.

Nietanan: Jane, Mary, Geneida, Francis, Michel,  
Steven

Bisanieto(a)nan: Denzel, Thaina, Christian,  
Jermar, Josey, Aishwayra,  
Amish.

Rumannan: Alberto Tromp y famia,  
Juan Tromp y famia,  
Simon Tromp y famia,  
Nacho Tromp y famia,  
Andres Tromp y famia.

Subrinoy sobrinanan, swa y cuñanan, primo y primanan, bisinjanan, Amistad, conocirnan y demas famia: Geerman, Dirks, Tromp, Maduro, Werleman, Wernet, Angela, Ras, Rasmijn, Greaux

Adres pa condolencia: Sombre 29-A, diabierna 25 november 2016 di 7'or pa 9'or di anochi

Ta invita pa asisti na acto di entierro cu lo tuma lugar diasabra 26 di November 2016 for di 2'or pa 4'or di atardi na misa Inmaculada Concepcion na St.Cruz, despues lo sali pa Santana St.Maria na St.Cruz. Defunto lo ta reposa na cas 12'or di merdia pa 2'or di atardi



Cumana #44 Tel: 586-4444 / 733-2906  
E: royalfuneralhome@hotmail.com / 593-0857 / 731-5847

### Gradicimento/invitacion

Na number di tur su yiunan, nieto y bisanieto y demas famia nos kier gradici su hendenan y bisiñanan di Dakota stima cu a muestra nan atencion y cariño y tambe esnan cu a compañía nos na ora di su enfermedad y fayecimento di nos mama stima



**Sra Luisa Reina Lopez-Orman**

Di curason nos kier a gradici Royal Funeral Home y staff pa na tremendo servicio, specialmente jufr. Zulaika pa su pasenshi. Na pastor Szpilla di Dakota, Botica del Pueblo y staff pa nan tremendo servicio, na Dr. John Croes y staff pa su atencion, Dr Casper Lacle y staff tambe jufr. Rose su atencion, tambe siguramente Dr Sneek cu un gran amor pa nos mama, na Wit Gele Kruis su staff y Julisa de Cuba, Iman su staff y sra Lola Geerman pa nan atencion. Yosmar Maduro 911, ambulance pa na ayudo, na Sr Nelson Tiel cu su bunita melodia di Caha di Orgel. Na sr Randall Croes pa e bunita canticanan den misa. Na tur ayudantenan. Danki tambe na tur e yamadanan, telegram, katchinan, flornan ricibi. Danki di curason.

Alavez nos kier a invita bo(so) pa 3 santo sacrificio di misa na Birgen di Fatima na Dakota pa Descanso di alma di nos querida difunto; diadomingo 27 di November pa 6'or di atardi, dialuna 28 di November y diabierna 2 di December pa 7'or di anochi na misa Dakota.

## Cambio den orario di Santo Sacrificio di misa na parokia di Dakota

**REVERENDO** Pastoor Daniel W. Szpila di parokia Birgen di Fatima Dakota ta anuncia cambio den orario di S. S. di misa entrante diaranson 30 di november 2016. Dia y ora ta como lo siguiente: Dialuna 7'or anochi. Diamars – Diaranson – Diahuebs 8'or di mainta. Diabierna 7'or anochi. Diasabra 7'or anochi. Diadomingo 8'or mainta – 10'or mainta na spaño y 6'or di atardi.

Tur Diamars prome cu S.S. di misa ta resa Rosario pa 7.25 am na honor di San Miguel Arcangel. Nos parokianonan y henter e pueblo di Aruba, muy en especial nos pensionadonan, esnan cu no tin trabao y esnan cu ta cuminsa traha laat mainta ta wordo suplica pa asisti na e misanan di mainta. Bin bishita Cas di Dios, scucha Su Palabra, ricibi bendicion pa bo y bo famia y asina cuminsa un dia bendiciona. Den number di nos Pastoor Daniel W. Szpila masha danki pa e comprension.



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

Señor ta mi wardador,  
mi'n tin falta di nada,  
den cunucu di yerba berde  
E ta pone mi sosega.  
E ta hiba mi na awa tranquil,  
pa mi bolbe haya forza.  
Salmo: 23.1

Cu inmenso dolor y tristeza na nos curazon, pero conforme cu boluntad di Dios nos ta anuncia fayecimento di



**Ruben Nicolaas**

Cariñosamente yama: "Ruby"

\*14-09-1935 - †24-11-2016

Ex empleado di LAGO

Ta invita pa e acto di despedida cu lo tuma lugar diaranson 30 di november 2016 na Aurora Funeral Home di 2'or pa 4'or di atardi, despues nos defunto stima lo wordo crema den seno familiar.

Adres pa condolencia: Aurora Funeral Home, diamars 29 di november 2016 di 7'or pa 9'or di anochi



# Hulpbestuurskantoornan ta cera for di 30 di november te 7 di december pa asina implementa sistema nobo y moderno di IT

**HULPBESTUURSKANTOORNAN** rond di Aruba ta bay cuminsa cu modernisacion di nan ekipo di IT.

Pa e motibo aki, tur Hulpbestuurskantor (HBK) ta cera nan porta cuminsando dia 30 di november te 7 di december 2016.

E proyecto di modernisacion di e sistema di IT di e oficinanan auxiliar di Gobierno tin dos aña caba ta trahando riba dj’e y a yega e momento di ehecucion, segun ehecutivo di Ministerio di Asuntonan General, Omar Harms a duna di conoce.

“Manera hopi hende a experiencia, lastimamente e ultimo añanan, hopi biaha tin problema na e Hulpbestuurskantoornan cu nan sistema ta down”, Harms cu ta supervisa e oficinanan auxiliar di Gobierno a splica.

El a agrega tambe cu, aunke e periodo cu ta haci’e ta un periodo druk, “finalmente e ta pa por duna un miho servicio.”

Harms a duna di conoce cu e sistema di computer cu ta uzando na e momentonan aki ta consisti di computernan hopi bieu. Hunto cu e proyecto di MFA-nan, caminda ta pone un miho infraestructura pa e. o. e HBKnan por funciona mas eficiente y den un ambiente mas apropiada, e departamento di IT tambe tin di bay hunto cu e adelanto aki.

Harms ta pidi comprension y cooperacion di tur cliente pa e proceso aki por tuma luga.

Si mester haci pago durante e periodo di 30 di november pa 7 di december, por haci esaki na banconan of si ta coriente of awa, por

acudi na e respectivo companianan di utilidad.

E motibo cu ta haci e trabounan importante aki, durante un periodo relativamente druk, ta dos. Expertonan for di Hulanda ta forma parti di e proyecto aki y tambe e proyecto ta bay man den man cu un otro proyecto grandi di renobacion di sistema di IT di Censo. “Esey ta algun di e motibonan cu nos no por a scoge otro fecha pa e trabounan aki”, el a splica.

Harms, a informa tambe cu despues di e periodo di instalacion di nan sistema di IT nobo, HBKnan ta cuminsa cu servicio di 3 cahero. “Na e momentonan aki tin HBK cu tabata uza solamente 2 cahera, tur awor aki ta bay uza 3 caha, caminda cu bo por duna un miho servicio y mas lihe”, Harms a duna di conoce.



Enbador di Reino na Republica Dominicana Robert de Leeuw

## “Aruba ta un bon ehempel pa e region”

**CONFERENCIA** Green Aruba ta tras di lomba y e invitadonan cu a bin aki pa atende e evento tambe a regresa nan pais. Asina ta e caso di Robert de Leeuw, embador di Reino na Republica Dominicana.

Despues di dos dia di conferencia de Leeuw a bisa di a keda masha impresionado di e forma con Aruba kier yega na un sociedad sostenibel.

“Aruba ta un bon ehempel pa e region. Tur e paisnan di e region ta trahando duro riba sostenibilidad, tambe e pais unda mi ta staciona.

Republica Dominicana ta en busca di ehempelnan y manera Prome Minister Eman a bisa, esaki ta producto di exportacion

y nos ta trata di ta e ehempel pa otro nan”, segun de Leeuw.

Embador de Leeuw ta sigur cu Aruba ta hopi bon bezig pa ta e ehempel pa paisnan den region. Pa loke ta reapertura di e refineria de Leeuw a bisa cu topiconan asina semper ta keda dificil pa haci e miho escogencia. “E refineria ta bon pa e economia di e isla, pa empleo pa e habitantenan y ta un arte pa haya e balansa entre rendimiento economico y logro di e metanan bo dilanti den cuadro di sostenibilidad. Esey ta e reto. Si Aruba logra loke e kier logra riba e tereno aki, esaki ta bira un concepto cu ta wordo braza pa hopi otro pais”, de Leeuw a musta.

De Leeuw a bisa cu den caso di sostenibilidad mester wak su rendimiento a termino largo.

“E ta bon pa salud di e hendenan, bon pa naturalesa, e ta atrae un otro sorto di turista y como isla Aruba mester distingui su mes di otro paisnan pa mira con atrae e publico cu ta aprecia sostenibilidad”, el a duna di conoce.

Pa loke ta e meta cu Aruba a pone su dilanti pa na 2020 ta independiente di petroleo fosil e embador ta bisa di tin confianza cu Aruba ta logra esaki, sigur despues

di a tende kico tur a wordo bisa, discuti y haci caba.

“E gana t’ey y pa logra e meta bo mester ayudo di e comunidad, mester bay en busca di e balansa necesario entre desaroyo economico y e meta bo dilanti.

Tres aña ta cortico, pero e determinacion t’ey pa riba un termino corto ta independiente di petroleo fosil.

Di tur forma mi por bisa cu Aruba ta riba e bon caminda”, de Leeuw a termina bisando.





# Prome Minister a sinta cu SMAC, taxistanan y organisador di Festival di Dande



E siman aki a tuma lugu encuentronan di introduccion entre varios sector di nos comunidad y Prome Minister pa loke ta trata cultura, entre otro. E encuentronan aki a tuma lugu na sede di MFA na Paradera y por bisa cu tur a cana den un manera positivo. Minister Eman ta reafirmando e sosten di Gobierno di Aruba cerca cada grupo, cada un importante pa nos sociedad.

Esey sigur ta e caso cu Stichting Maneho di Aruba su Carnaval (SMAC) ya cu Premier Eman ta consciente cu “Carnaval ta un parti importante di nos cultura caminda hopi di nos talento artistico ta wordo desplega.”

Gobierno ta financia e celebracion hunto cu otro organisacion manera ATA y Setar, ademas di e coordinacion di departamentonan publico manera Polis, Ambulans, DTI, etc.

Ta importante pa cada partido haya su lugu den un ambiente positivo. Premier Eman a inclui gruponan di Carnaval y boluntarionan den esaki tambe.

Na su salida for di encuentro cu Prome Minister Eman, Shannon Henriquez, President di SMAC a splica cu a papia e. o. riba permiso general pa organisa actividadnan di Carnaval y a pasa over di cambianan den schedule y rutanan. Su persona tambe ta di opinion cu ta hopi importante pa conta cu apoyo di Gobierno di Aruba pa Carnaval por ta exitoso.

Eman a expresa cu diferente peticion a bin dilanti y pa trata tur cos, a bay di acuerdo pa reuni regularmente. “Actitud di scucha y dialoga pa bay den un mayor harmonia.”

Otro reunion tabata esun cu un grupo grandi di Taxista. Blanca Orman, a fungi como vocero indicando cu nan peticion principal aworaki na Gobierno ta pa hala aden dos Decreto Ministerial cu nan no ta di acuerdo cu nan. E grupo cu ta para tras di e ponencia aki ta pasa e cantidad di 300 taxista y tur a firma un manifiesto cu a keda entrega na Prome Minister Mike Eman.

E mandatario di su banda a indica cu lo bay pasa riba tur informacion, pa despues den combersacion cu Minister de Meza tuma un decision, ya cu e ultimo aki ta e titular di Transporte y Turismo. Premier Eman a reuni cu e taxistanan cu autorisacion di su colega ya cu ta un situacion cu ta conta cu su preocupacion y ta kere firmemente cu pa tur cos tin solucion, pero ta depende con bo ta sinta dialoga cu e partnernan den sociedad.

Por ultimo, pero no menos importante, Minister President Mike Eman a reuni cu Harry Croes, kende ta e organisador di Festival di Dande.

Den su di 43 edicion, e evento aki ta bay tuma lugu dia 28 di december na Plaza Betico Croes. Despues di e encuentro, Croes a expresa cu e ta contento di por a sinta cu Gobierno asina tempran y cu e cooperacion financiero y humano ta yuda pa por haci e festival liber pa un y tur por asisti por nada.

“Un bon reunion caminda Minister a duna tur su sosten y awo nos ta bay prepara”, Harry Croes a bisa. Premier Eman a duna palabra na sr. Harry Croes cu e por conta cu apoyo total di Gobierno. “Nos ta sostene cu gran placer.”




Ministernan Eman y Minister Sevinger a wordo gradici inmensamente pa e ayudo duna

# A pone man na obra y ekipo pisa pa yuda habitantenan di Palm Beach y Madiki den accion di limpieza

**FUNCIONARIONAN** di DOW, hunto cu esnan di Serlimar a pone man hunto na tanto

Palm Beach como Madiki pa yuda e habitantenan cu nan cas a keda afecta pa e yobida pisa. Apesar di e lamentabel sucedido aki, Prome Minister Eman y Minister Sevinger a topa cu habitantenan agradecido pa e ayudo brinda na nan.



A haci uzo di ekiponan pisa manera bakinan di sushi di tanto Serlimar como Ecotech pa e habitantenan di e dos barionan aki por a deshaci di e sushinan cu a wordo treci dor di e inundacion y ekipo of materialnan cu a daña dor di awa.

Frank Benita, un chef na DOW, a splica cu durante 2 dia largo y den forma intensivo a traha hunto cu e habitantenan

pa move lodo, sushi, mata y otro materialnan cu no ta sirbi mas. No por a bisa e cantidad di bakinan grandi di sushi cu a wordo yena, pasobra na tanto Palm Beach como Madiki a pone varios baki y diahuebs atardi ainda e bakinan no tabata cla pa wordo transporta. Pero tambe a haci uzo di diferente truck di sushi pa chica awa y e poznan di wc cu a yena.

Famia Figaroa na Palm Beach 9-B un biaha mas a bira victima di inundacion door di e yobida inespera di diadomingo ultimo. E famia ta hopi contento sinembargo di e ayudo cu nan a bin ta hayando y ta masha gradecido na Holiday Inn cu a duna nan luga pa drumi, mientras cu den dia nan ta hacienda e cas limpi, y deshaci di tur loke a bay perdi.

Den combersacion cu Prome Minister Eman y Minister Sevinger, nan a haci un apelacion pa

haya un tereno pa nan construi un cas nobo na e otro banda di caminda, cu ta mas halto pa cual nan a haci peticion caba algun tempo atras. E dos mandatari-onan mesora a pone man na obra y a priminti cu e famia sigur lo haya un tereno nobo.

Segun e mama, Lucrecia Figaroa, esaki ta di tres biaha cu nan a perde tur cos den cas, unda e awa a subi te na un altura di un meter y mey mas o menos. Nan a pasa den e yobida fuerte di 1999, 2005 y aworaki. “Nos a cansa y a pidi un tereno otro banda di caminda. Nos a probecha pa pidi e Minister pa nos haya e otro pida tereno y nos a haya un promesa cu e lo wordo otorga na nos.

Nos ta contento cu e bishita y cu e ayudo. Dios ta yuda nos pa enfrenta cosnan manera esaki cu ta algo di naturalesa”, sra. Figaroa a comenta.

## Shon Odor

**ORA** cu nos musica y nos a topa un mundo nobo a habri su portanan hanchu pa mi un futuro briyante mi a logra topa Arte, pa semper, Ruman, a uni nos!

Di “Nos Tata” mundo ta bai sigui gosa bo bos lo keda resona te hasta den eternidad manera ora angelnan ta canta bou guia di Rufo Odor Manera un tata nos ta conoce bo pa henter mundo semper bo tin pan hasta bo ultimo gota di awa bo tin cla pa nos tur y shonnan, no laga nos papia over di tur su lesnan miyones por a disfruta di nan

Shon Odor, keda ilumina nos, rondona nos cu inspiracion tuma nos mannan y guia nos riba camindanan precioso Mi Brada, mi ta segura bo bo lugar pa semper lo ta den nos curason! Waldy Simson

Dedica na:

Rufo Abelino Saturnino San Blas Odor, naci riba dia 29 di november 1935 na Oranjestad, Aruba. Musico, compositor di, e. o. Nos Tata, el a wordo condecora diferente biaha dor di diferente pais.

### Vereniging Medisch Specialisten van Aruba

Medical Specialists Association of Aruba

Na nomber di directiva y miembronan ta anuncia fayecimento di



**Dr. Harold Narain**

Gynaecoloog

Na bida Colega y miembro di VMSA.

Nos profundo condolencia ta bay na su Señora Ruby y jiunan David, Daniel, Naomi, Timothy y demas famia. Cu Dr. Harold Narain sosega na paz den brasa di Señor.

Dr. Nuris Lampe, Presidente



Santa Rosa ta informa:

# Awa di dam di no bon calidad



**MANERA** tur hende ta na altura cu despues di e torencial awasero Santa Rosa semper ta sali y controla tur dam cu tin rond di Aruba. Esaki ta pa sina ta na altura di kico tur por a tuma lugar durante e awacero y tuma nota tambe cua ta e damnan cu posiblemente por a bay over manera nos a informa den nos prome comunicado di e siman aki net despues di e awacero.

Mesora nos Departamento di Agricultura, Cria y Pesca Santa Rosa hunto Lands laboratorio a sali p'asina haci un chequeo di e awanan di dam p'asina nos porductornan local por continua cu nan poducion sin ningun problema.

Durante di e chequeo di awanan di dam rond Aruba a bin resulta cu e awa di dam di Noord cu ta keda pariba di Misa di Noord no ta suficientemente di bon calidad pa por uza pa produccion. Mesun caso ta conta pa e awa di dam di Tanki Flip cu tampoco no a resulta di e bon calidad pa por uza pa produccion y tampoco pa duna bestia pa esna cu tin cria.

Pa e motibo aki nos ta haci un apelacion hopi fuerte na nos productornan local pa por favor no haci uzo di e awa di e dos dam aki cu ta esun di Tanki Flip y e dam di Noord pa motibo cu e awa no ta suficientemente di calidad pa plantacion mucho menos pa cria. E dos dam aki no bai tin un aviso oficial di deparatamento Agri-

cultura, Cria y Pesca y tambe lo wordo sera te cu proximo aviso.

Di antemano nos ta pidi disculpa na nos productornan y nos disculpa pa e incoveniencia cu esaki por ocasiona. Por favor tuma bon nota di esaki.







# AWEMainta

#1 Online

Completamente  
**DIGITAL**

**Ricibi AWEMainta  
tur dia den bo inbox**

Manda bo E-mail na [noticia@awemainta.com](mailto:noticia@awemainta.com)

Haya tur e edicion di  
AWEMainta riba nos website

[www.awemainta.com](http://www.awemainta.com)



**Like nos riba Facebook**

[www.facebook.com/awemainta](http://www.facebook.com/awemainta)